

醫方類聚卷之一百七十九

丁瘡門

居家必用

萬金丸治疔黃腦背癰疽壹切惡瘡大有神効



海浮石半兩乳香各壹錢巴豆四十九

去皮川草烏頭壹兩慢

另研大炮裂

右將海浮石以木炭火燒通赤於米醋內  
淬七次同草烏碾為末與豆乳沒壹處拌

類身身身  
勻醋糊爲丸如桐子大若瘡三二日服壹  
十九五六日服十三丸病在上食後病在  
下食前先喫冷酒壹盞次用冷酒下藥如  
覺嘔吐者勿慮若吐出藥時依上再服如  
病人不覺動者再下三丸服藥後休喫熱  
物如瀉不止冷粥補之小兒加減服大有  
神効此方係汴梁劉八摠管用之屢有神  
效若初覺病疔瘡者如認得端的先爪下  
頭垢貼在瘡上然後搽後藥

黃丹壹兩 滑石二兩 石灰四兩  
飛煨 火煨 炒

右研爲細末煨葱白於手心抄藥少許和  
葱令勻攤向紙上貼之每日一換如是第  
三日不可去其藥醫侯瘡十分可方得去  
之遂有壹枚如丁之狀取出惟是妄食毒  
物致生此疾此藥貼之必牢如不是此證  
貼之不牢是其驗也

拔粹方

消毒散治丁瘡毒氣入腹昏悶不食

丁香 乳香 各壹錢 蟬殼 管仲 紫花地  
丁各半 兩

右為細末溫酒調下

保生錠子

方見衛生寶鑑每用貼一餅次用神聖膏藥後服托裏散若瘡氣入腹危者服破棺丹

善應膏最妙

方見齒門

破棺丹則調胃承氣湯煉蜜丸是也壹方

山梔子

牽牛末

大黃

各壹兩

甘草

荆

三稜 炮各七錢

右煉蜜丸如彈子大酒化服之

千金托裏散

方見衛生寶鑑

奪命丹治丁瘡發惡心及諸惡瘡

袖珍方名寸金丹又

返魂丹又再上丹道命丹延壽丹來此藥下即活

蟾酥 朱砂

各錢半 袖珍方二分

輕粉

半錢 枯白礬

青寒水石

壹錢 水飛

銅錄

壹錢

麝香

壹字 聖效方無

烟霞

海羊

二十个另研即蝸牛也

右件為細末將海羊另研為泥就藥壹處丸如菜豆大如丸不就加好酒成之病輕

者壹丸二九重者三丸未效再服服藥法  
先嚼生葱白壹大口極爛置手心放藥丸  
于葱內裹合以熱酒送下暖處卧汗出爲  
效忌冰水○聖効方每服壹丸生葱三五  
至先嚼爛熱酒和葱送下如車行五七里  
汗出爲効次用青金散方見諸瘡門取丁服藥  
後勿食冷水

蒼金砂散取丁瘡

道人頭微炒存性壹兩硃砂叁錢半雄黃叁錢加蟾酥

不以多  
少尤妙

右將瘡四圍刺破以小油調藥末置於瘡  
內緋帛封之數日丁自出如瘡入腹嘔逆  
者煎道人頭濃汁飲之

取丁瘡藥金効

雄黃 硃砂各壹錢蟾酥 金脚信各半錢

右爲細末刺破紙之加輕粉半兩巴豆壹

介生用

瑞竹堂方

破棺丹治消了黃走胤不止史相方

赤芍藥二兩 當歸二兩 山枝子二兩 甘草 牽

牛頭末一兩 大黃三兩 牡蠣炮壹兩 金銀花兩

京三棱壹兩切 片焙乾

右為細末煉蜜為丸如彈子大每服一丸  
食前用童子小便化開服之病重者服一  
丸半忌酒生硬物

返魂丹治十三種疔瘡

朱砂 膽礬各壹兩半 血蝎 銅碌 蝸牛各一

兩生 雄黃 白礬枯各二兩 輕粉 沒藥 蟾

酥各半 麝香少許

右將七味為末和搗蝸牛蟾酥極爛和藥  
時旋入藥為丸如雞頭大每服壹丸令病  
人先嚼葱白三寸吐在手心內將藥丸裹  
在葱白內用熱酒膏蓋吞下如重車行五  
里許有汗出即瘥如不能嚼葱研爛裹藥  
下曾有一僧貨此藥極有效予自合救人  
累獲效驗真妙方也永類鈔方同

金砂散治疔瘡

礪砂好者雄黃好者

右等分研細用生蜜就於角盒子內收貯  
遇患先用銀篦兒挑破瘡口擠去惡血然  
後用藥壹豆大安入瘡口內用紙花貼即  
效毒氣入腹多嘔吐欲死者即服後內托

香粉散衛生易簡方同

內托香粉散

滴乳半兩真菘豆粉壹兩

正右為細末煎生甘草湯調三錢時時飲之

常令灌潤腎膈衛生易簡方同

治疔瘡海上友

蟬殼七介殼為末

右為極細末用蜜調搽瘡口經驗秘方

立馬回疔丹治疔瘡走胤不止經驗秘方

金脚信半錢蟾酥半錢血竭半錢朱砂半錢輕粉半錢

龍腦一錢麝香三味各沒藥壹字

右為細末生草烏頭汁為汁秘方如麥子

長火用時將瘡頂刺破將藥壹定放瘡口內第二日瘡腫為効

治疔瘡 危篤者二服即愈輕者壹服立効

土蜂房 青小壹條 蛇退 全

右作壹處器皿中盛用黃泥封固火煨存

性礪為細末每服壹錢空心好酒調服

少頃腹中大痛痛止其瘡已化為黃水仍

服五聖散 衛生易簡方同

五聖散

大黃 壹兩 生薑 壹兩 瓜萸 壹斤 皂角針 二兩 甘草 壹兩

金銀花 壹兩

右為咬咀用好酒二升同煎至八分去滓

服不拘時候 衛生易簡方同

袖珍方

治丁腫發背內托散甚至刺灸不覺痛服藥

裏托死肉便化

枯白礬 等分 炒塩 等分

右每服壹錢新水調瘡未回再服瘡回覺

痛卽治紫金散射腐三日卽生用桃花散  
傳一次上用膏藥蓋之其瘡卽愈

青金散

寒水石 銅綠 輕粉 枯礬 四味各蟾

酥 一錢射香少許

右爲末每用不以多少竹針刺破用藥貼

迴生錠子神效方 外科精義瘡科 精義生作瘡 治疔瘡

草烏 去皮尖 生一兩 蟾酥 七粒 粳米大 巴豆 七粒 去皮射香

壹字用 當門子

右爲末麵糊和丸作定子如有丁瘡先針  
刺至痛見血用此錠子維入用膏藥貼之  
重者於丁瘡四畔維之三二日根自拔出  
此藥最宜緊用

藤黃飲子治壹切丁腫惡瘡癰疽疼痛

大黃 四兩 甘草 茯苓 牡蠣 生用各一兩 人參

川芎 香梔子 赤芍藥 金銀花 各半兩 木

香 白芷 各六兩 當歸 七兩

右咬咀每服八錢水二盞煎至壹盞溫服



乳香散

黃米粉四兩赤皮葱壹兩蝸牛壹十砂鍋內炒

黑乳香各二錢沒藥各二錢輕粉壹錢粉霜壹錢

右為末津調紅絹留孔貼周圍

定子丁瘡并箭頭不出

人言壹錢輕粉半錢雄黃壹錢巴豆二七粒硃砂半錢

定粉壹錢射香許少有蟾酥許少

右為末以黃蠟為定子每用安於瘡口內

治疗瘡奪命返魂散

大黃 梔子 連翹各五錢 巴豆四錢 杏仁

四錢去皮尖 又用炒藥麩四錢 苦丁香二錢 信

壹兩獨蒜大心盛 信在火內燒存性

右為末每服壹銅錢無根水調下不吐可

治汗出愈

陳指揮疔瘡方

白芷壹錢 生姜一兩

右搗爛酒和熱服出汗立愈

又方單用蟾酥每用粳米太重針瘡口納輕

者不須針用水澄膏貼之

永類鈴方

丁腫

趙平遠用蟬蛻煎汁以青帛蘸搥數遍却敷蒼耳灰易時又搥又敷

丁腫垂死紫花地丁草搗水危極有效

元朝脫脫丞相丁方大醫院抄本末用他藥

先服硝黃湯利動毒氣虛老人却宜斟酌

林消

明者熬成

牙硝

錢二

大黃

生用兩

京芥

黑塗

牛

妙各半兩

甘草節

錢四

右泔水酒調空心以利為度却用拔毒膏

金脚信

錢二

礞砂

錢三

通明雄黃

錢二

輕粉

乙麝

香乙巴豆

錢四十九粒

濕紙

右五味

作末入

巴豆膏

溶黃蠟壹兩重

白中煉成膏搓成條子長二三寸井花水勤換浸三日夜

磁器收用時旋作餅子錢眼人先用羊骨

針刺破瘡頭却以藥餅貼其上以生麵糊

塗之又以皮紙封之絹帛纏札不可動即

服散毒藥隨陰陽冷熱作劑

丁瘡陽証潮熱心間霍亂或發譫語六脉洪  
大用五香散熱不退而渴用不二散蛇床  
子生大黃作末冷酒或冷水調二錢止二  
服使微利陰証脉沉細四肢冷瘡不發用  
五香散除大黃加蒼耳蓮肉酸棗仁藿香  
茯苓黃芪肉桂當歸防風白芷附子等藥  
生薑煎半小半酒以發藥性潮熱皮膚受  
毒加生大黃柴胡地骨皮呶逆脾胃受毒

加丁香喘嗽肺經受毒加杏仁去皮尖知

母秦艽紫苑大小便秘腹脹滿加制枳殼

木通苦葶蘆或生大黃眼花心經受毒加

朱砂雄黃麝香脚冷腎經受毒加木瓜黑

牽牛並塩炒發渴自汗肝經受毒加黃芩

山梔

眼黃面舌黑冷汗自汗粘手手足冷至膝發  
渴譫語自利不食瘡冷不痛不起黑乾生刺  
芳四邊不紅不治

馬丁如象眼介个牛丁通身圓<sup>或大</sup>

猪丁瘡口肥<sup>或大</sup>羊丁拘丁頂尖<sup>或小</sup>

用藥次第先用五香散弱証加十宣散打和

四五服却用針灸入瘡口藥加敷貼待瘡

四圍發黃泡浮腫知痛為佳若瘡未發用

火針四向亂刺如有紅絲脉亦以火針三

向刺斷<sup>一</sup>又用艾火於元發瘡淹上灸

三壯候瘡邊黃疱發然後可貼膏藥取効

也忌雞魚鵝鴨羊等食

瘡科通玄論

蟾酥不可對面擠其白汁誤入眼令人盲  
又蟾若赤目腹無八字者不可用

鐵粉散專治冷疔瘡經年不較此藥大妙

多年生鐵<sup>三兩</sup>炒<sup>過</sup>黃丹<sup>壹兩半</sup>經<sup>麝香</sup>少

輕粉<sup>中</sup>松脂<sup>壹</sup>錢

右為細末用清油調之瘡口上立效

透骨膏治疔腫惡瘡其効不可盡述

蟾酥<sup>牛</sup>八角兒<sup>五介</sup>陰乾去殼<sup>〇</sup>硃砂

輕粉 麝香 許巴豆 一錢 去皮

右將巴豆研為泥次下餘藥研極細以油紙裹定如遇疔瘡并諸惡瘡針微刺破貼藥少許其瘡自消散如不散者豈追瘡毒即得潰搭又如成膿者無頭攤腫微擦破用藥二次便得自破此療惡瘡不可不用

經驗秘方

治疔瘡用獨蒜一箇末茶搗成膏于瘡上貼

出黃水為効 簡奇方同

治疔瘡

井底泥 好蜜 大糞底地盤上泥土

右同研勻塗於瘡上立効 簡奇方同

治疔瘡發背壹切惡瘡

霍治書方

右將道人頭如無枝葉亦可碾為細末不犯銅鐵器炒異色存性略置于地量病輕重上至一兩下至三錢無灰熱酒調服驗瘡上下分食前後

醫疔瘡追魂丹

雜症類編

十一

乳香 粉霜 沒藥 蝎稍 蟾酥 花

藥石 各參錢 輕粉 半錢 蜈蚣 兩對微火炙 白礬 飛過 銅

綠 寒水石 燒紅 血蝎 各壹兩 腦子 參錢 麝香 二錢

朱砂 四錢 蝸牛 二十个去殼研為泥

右將前藥入壹處和元棗豆大朱砂為衣

每壹丸先用帶鬚葱三根嚼細入手心中

放藥壹丸於葱內裹藥熱酒吞下厚被盖

汗出為效忌冷水不許見風吹修合時休

教婦人雞犬見五月五日三月三日合大

有神效

仙方萬金丸治丁黃腦背疽等壹應惡瘡 湖

趙元帥方大効

海浮石 半兩用木柴炭火燒通紅却於 川

烏頭 壹兩於文武火內炮製 乳香 壹錢 沒藥 壹錢 芭

豆 四十九粒去皮炒黃色為末

右件海乳石與川烏於白內擣為末與諸

藥和勻醋糊為丸梧子大若瘡三二日每

服十九若瘡五六日每服十三丸如瘡在

上食後在下食前如覺嘔吐勿慮若吐出藥時別服小兒大小加減病人如覺不動再服三九每服藥先飲冷酒壹盞服藥後忌冷熱物如瀉不止冷粥押之○經驗良方神仙金圓治丁黃八癩癰疽諸般惡瘡乳香沒藥各壹錢巴豆四十九粒去皮海浮石半兩火煨醋草烏頭壹兩炒令茶褐色右為末醋麪糊元如菜豆大二三日瘡服十九五六日瘡服十五九瘡在上食後服瘡在下食前服如嘔

吐再服三五元片服藥先飲冷酒壹盞後用冷酒壹盞送下服藥後忌食熱物壹時如瀉多用冷白粥補之吉安路耶律惣管合此藥散施請服者多效

疥瘡方

撫丹二兩水飛過白礬六錢為細末

右件於銀器內文武火先炒丹至有紫稔色如此四五遍見紫稔顏色然後方將礬做三次下入再內每次將銀器離火下入

丹攪十數遍令丹礬勻枯入盡礬攪勻又要火煨藥稔紫赤色放冷乳鉢內研極細方可中用時將瘡口正疔子上用獐牙刺入出紫黑血卽不行之血須要見鮮紅血出如無紅血再用獐牙深刺入便有紅鮮血卽活血流行引藥治効上藥用手指頭著實滿瘡口於上用揉數次藥力著新活血肉卽行略痛壹二使神靈大效此藥多治刀傷腫瘡并小兒黃水粘瘡馬梁背

打破瘡一貼卽可又用此藥治痢疾用北棗兒煮熟去皮核和前藥成大丸陰乾針刺壹穴用真脂麻油點燈鐵線僉住於燈焰上燒紅熟透冷定研極細末熱痢米飲湯下空心服此藥濟南劉總管家傳四輩因此江西省脫里伯平章問總管索伊男根隨來舉用本人見充瑞江路司獄巡按至此傳得就令敖家僕依法修合以備救濟



治疔瘡發昏禁牙關不能開用芭豆去皮擦  
於紙上作紙撚煙薰少時口開灌法用膽  
礬不計多少研極細末用雞彈白和膽礬  
半匙尖灌入卽愈家僕小張患孫巡檢治  
可

治疔瘡五月五日早不語取倒懸黑灰飛過  
搥用粟米飲湯和爲丸小如菉豆大陰乾  
每用一丸用竹刀或獐牙刺瘡出血却將  
藥放在瘡內以紙上頭貼之卽愈

又方用河鮑魚眼睛生取用小磁瓶盛頓上  
面遮覆埋地中每遇惡瘡用之卽愈周外郎傳  
追魂丹治疔瘡發背癰疽一切惡瘡能生死  
人神妙

蟾酥各半錢 枯白凡 銅碌 寒水  
石燒 血竭各壹錢 麝香壹字 朱砂四錢 蝸牛十二  
介別研如泥

右爲細末用蝸牛泥爲丸如不就加酒少  
許爲丸如小菉豆大每服壹丸先嚼生葱

白三寸至爛吐出置手心裏藥用熱酒壹  
大盞送下須臾連飲二盞汗出爲度不拘  
時候

玉藥托裏散治疔瘡癰疽發背不問陰陽二  
證已成未成太醫院麻同知用大効

黃芪四人 人參 白芍藥 當歸 熟地黃

蓮花藥 乳香 沒藥 甘草各三錢

右爲麤末每服四錢酒水各壹盞煎至七  
分去滓溫服滓再煎如有熱加連翹三錢

無時服汪院使傳

治丁瘡用好墨研塗四圍以猪膽汁和薑汁  
塗治丁瘡

信石二錢 硃砂 射香 班猫去翅足各一錢 朱砂

雄黃各五錢

右爲極細末蟾酥爲丸菜豆大每服壹丸  
噙化卽愈如病不省人事則用針於舌尖  
上刻開納壹丸右用溫酒送下三丸卽甦

經驗良方

疥瘡類

奪命丹治丁瘡毒氣向裏邪氣入內滯悶不  
已水食不下並皆治之兼治癰疽發背惡瘡  
大有神效

朱砂

膽礬

各壹錢半

真血竭

銅綠

各壹錢

枯

白礬

貳錢

雄黃

三錢

蟾酥

輕粉

各半錢

右為細末麪糊丸如梧桐子大每服壹丸  
先用葱白三寸令病人自嚼碎吐出碎葱  
裏藥在內熱酒送下睡臥如重車行五里

之久汗出或發熱一陣即愈或利為度如  
病人不能嚼葱搗碎葱白裏藥如前吞服  
如不省人事幹開口灌之此方活人百發  
百中真仙方也唯許救人不許取利病在  
上食後服病在下食前服武昌通城縣尹  
曾守齋傳

治數種丁瘡用大青葉是處山內有冬間無  
類枇杷葉又名臭紫葉及馬蹄草又名缺  
盆草各等分搗爛酒壹椀浸藥濾去滓蕩

溫酒服三服立愈春夏取葉草搗爛作餅  
陰乾如用再搗爛酒浸溫服  
治壹切丁腫懸癰孫真人云丁腫方甚多皆  
不及此

右用蒼耳根莖苗但取壹束燒爲灰醋泔  
藍淀和如泥先以針刺瘡上及四邊數下  
令血出度藥氣可以入針孔中卽去血傳  
藥乾卽易之不過數度卽拔根出其未結  
膿者卽內消已結膿破潰者再不用針刺

只以藥塗之

又方右用蒼耳草又名羊負耒草只用根紅  
嫩者搗爛無灰白酒調勻服次用搗梅肉  
研爛以猪膽汁和塗瘡頂上其毒卽散又  
先用好京墨姜汁研爛用姜片蘸黑塗四  
圍腫熱處卽效  
治丁瘡用篁竹筒壹箇刮去竹青要見竹黃  
爲度兩頭留節只於壹頭節上鑽壹竅如  
菘豆大却將菘豆入於筒內令滿舊絲絮

些小或  
用白紙塞其竅用磚壹口繫縛竹筒上又用長繩一條帶墜沉於寺觀廁坑內半年或三月愈久爲好却取起竹筒洗淨破其竹筒取出豆竹蘿張盛於長流河水內漂洗壹日取起候水氣乾研爛丸如丁香相似約四分長再陰乾收起如有丁瘡仰以芳刺如無芳刺用針於瘡畔鑽一兩竅將藥丁插入竅內其丁毒自潰而出仍隨証服去毒藥

丁瘡出時皮色不變及不疼痛按搖不動身發寒熱便是此瘡有水丁魚睛丁紫硯丁火丁諸般丁瘡如瘡黃於黃上用針刺仍服內托散自然消散

蟾酥膏用癩蛇蛟眉稜用木捻在油紙或桑葉上便有酥用竹筒刮離紙葉只於元刮竹篋上插在背陰處經宿自乾取下於翎筒內盛右每服用半介粳米大用指甲爬動瘡頂上插卮重者於瘡頂上刺一針將

類聚聖方

二十一

酥膏安針口內病小者不須針皆用水沉膏貼之其瘡即疼痛紅腫為度內托連翹飲

連翹壹兩甘草半兩大黃七錢薄荷七錢

芩半兩朴硝兩白芷兩赤芍藥兩生地黃兩

各壹兩黃梔七錢去項蒂

右為粗末每服一兩水一椀燈心竹葉煎七分如其人喘加人參少計大病只三四服愈如服了心煩嘔用不二散止

不二散右甘草半兩豆粉壹兩分作二服酸

蠶水下

醫林方

治丁瘡腫者苦葶藶生為末貼在瘡口上黃

水出效土用白麵糊塗定

烟霞聖効方

革麻散治丁瘡

革麻七個地百子壹錢新乾海馬壹錢地膽

對地丁草壹錢銅末一錢班猫二錢雄黃壹錢砒霜

真

三

類聚

壹字

右為細末貼之

治丁瘡方

地膽介夫頭海馬一介蒼耳壹兩半作

雄黃二班猫拾介去頭

右件五味搗羅細末醋溲調塗用兩刃針

如前方刺瘡用藥塗之

針頭丸治丁瘡一切惡瘰舊州劉先

輕粉壹錢乳香壹錢麝香少硼砂二錢蜈蚣壹對

好膽礬三錢青銅二錢

右將膽礬用重紙裏空水內蘸過用文武

火燒腥為度與前藥五味研細末後入輕

粉麝香研勻用絲杖子蘸藥瘡口內出血

為度不見血難効

塗丁膏竊見今時之人患丁瘡者甚多為感

四時非節之氣不慎房酒銅器內造食物及

人汗滴在食中生其此證藥味窮家易得此

藥用而累經神驗

藥身真功

三五

隔年葱白如無新葱切作片子研爛亦可白沙蜜如無新蜜亦得

右二味將葱研爛滴蜜同研如膏藥相似

先於瘡上撥動或見血不見血塗藥在上

絹帛蓋之如人行壹里地其瘡覺痛更待

多時其丁白出然後生肌藥貼之此法故

可相返得之相傳救人患難慎思食毒物

托裏藥有壹秀才說家子患丁瘡鍼刺之灸

之不痛服藥重重死肉使化

白礬飛鹽炒

右同等分研為細末每服壹錢新水調服

如瘡未回者再服如瘡回發痛者即活用

紫金散射腐肉約壹二日即止生肌用桃

花散方見諸瘡門上壹遍上用膏藥蓋之其瘡

自愈

吳氏集驗方

取丁膏治丁瘡以屎蟻蝨生打破取中間白

點趁濕傅藥其涼如冰

神効名方



紫金丹  
白凡丹  
右用銀石器  
攪之令紫色  
及如有瘡先  
上數度著無  
兼瘡顏色紅  
炒令紫色  
治丁瘡

紫金丹治丁瘡

白凡四兩丹二兩

右用銀石器內鎔凡作汁下丹使銀釵子攪之令紫色成也用文武火無令太過不及如有瘡先以週回挑破上藥用唾津塗上數度著無令瘡乾其瘡潰動取丁出也兼瘡顏色紅赤為効如藥未成就再杵碎炒令紫色衛生易簡方同

治丁瘡

生蜜與隔年葱壹處研成膏

在先将瘡周迴用竹鏢刺破然後用瘡藥

於瘡上攤之用絛麻蓋覆如人行三里

急救仙方覺丁出然後以熱醋湯洗之衛生易簡

將瘡口搽動或見血或不見血將藥塗在

瘡上用帛縛之如人行壹里其瘡覺疼更

待多時其丁自出從人用生肌膚之藥貼

之忌壹切毒物

之忌壹切毒物

類聚本草  
卷之九

新效方

救生奪命丹治疔瘡應效

南星生半夏生巴豆去殼不去油硃砂

砒霜醋煮黃丹近乳香四味各壹錢麝香壹斑毛

中形者十六枚 夫頭翅足生用

右九味另末和勻以蟾酥為丸粟米大陰

乾每服大人十丸或十五丸虛弱者減之

十歲以下見三五丸大者加之冷煮酒下

分病上下食前後服能飲酒者多飲壹二

杯以助藥力忌喫熱飲食壹日當覺如醉  
狀是藥力應或汗出或吐或下病即除也  
未除再進壹服仍以針刀刺瘡口破以此  
藥三五丸研細稻草心蘸燃入瘡口中候  
血出拭淨再燃日二三次拔出下根乃止  
端午日合勿令婦人雞犬見

芫蔚散治急慢下瘡

益母草本草云芫蔚壹名益母草味辛甘

微寒無毒擣其莖以傳下腫服其  
汁使丁腫內消所在有之多生背陰處四  
方莖梗對節生葉葉似芫葉但背青不同

嗅之略殞節間生白花四  
月採莖葉連花晒乾枚之

右壹味燒存性爲末先以如此樣小刀十字劃破丁根至痛處令血出次遶丁根開破令血出用力盡捻去血拭乾以稻草心蘸藥熬入瘡孔中遍傳到底良久當有紫血出捻令血盡拭乾再熬入藥見紅血則止壹日夜熬藥二五度重者二日根爛出輕者壹日半日出看瘡根盤脹起卽是根將出以針挑之卽出雖根已出仍傳藥生

肌易瘥或根消爛挑不出亦自瘥勿憂之內服救生奪命丹如無丹則服精要忍冬酒晝夜連併服三兩劑急治之不可緩也若得證便發寒熱半身麻木嘔吐不食痛應心者最急三五日便死須急用小刀盡去丁根見血是根盡未見血再去令盡若已有丁三四處只去首先生者根其餘根不須去但如前治之若是陽證形氣壯實者以鋒針刺瘡四畔多出血以洩毒以氣

針刺所屬經絡而寫之忌風寒房室酒肉  
魚腥五辛油膩粘滑生冷狐臭麝香

拔丁方

胡桐律壹名胡桐天竺黃壹錢牛屎草拾四

枚焙乾小者倍用預先堆聚黑牛屎草盪  
之米泔洒濕即生草或只取牛屎草盪  
者亦得

右三味為細末先以刀針十字劃開丁瘡  
頭深到底見血出又刺根四邊都懸却以  
短竹筒粘稠麵單瘡上再以麵圍住竹管

投藥末少許於竹管中滴下些好醋隨即  
滾沸重者滾五次輕者三次丁即拔出半  
日之間腫消毒散更不作膿而愈壹方單  
用胡桐律聖惠單用牛屎草亦不礙人  
背不散治死肌惡肉

海浮石研如粉黃丹研各壹兩巴豆二十粒法使

右三味為末每傅少許死肌惡肉如推下

也其法去其頭並其毒

外科集驗方本所精製

增添別本治諸疔瘡經驗方法

追毒丹取黃去疔頭追膿毒立効

蟾酥

壹錢乾用老酒化

蜈蚣

酒浸多乾黃

硼砂

壹錢

白丁

香

壹錢無此

巴豆

七粒去殼不去油

雄黃

二錢

輕粉

錢

朱砂二錢為衣黃丹亦可

總為細末白面調水為元如元不就入酒

打面粉為元如麥大兩頭尖入於針破口

內用小沉膏貼之後用膏藥及生肌藥追

出膿血毒物又如有黑陷漏瘡者四圍死

敗肉不去不生肌者不可治也亦用此藥

追毒去死肌敗肉生新肉愈矣小者用壹

粒大者加用之病輕者不必用針只以手

指甲爬動於瘡頂上安此藥水沉膏貼之

其瘡即時紅腫為度去其敗肉為妙用之

神效立驗

水沉膏用白及末放在盞內用水沉下去用

紙貼之如用膏不可用生肌藥

數苦藥 蟬蛻 姜蠶

又方絲瓜葉 連鬚葱白 韭

又方蒼耳根苗燒灰 白塩梅灰 藍靛為

妙總為細末酸醋調塗四圍留瘡口主毒

出如乾再以醋長長潤濕為度如不退加

前敷藥化毒散血拔毒散立效

疥瘡陷頂及膿水不乾者

專治疔瘡發背諸般惡瘡癰以用鐵秀末

以多少研為細末用醋塗疔瘡土須臾疔

毒自然凸出膿水即乾立効

追疔奪命湯秘方速效能內消腫毒

姜活或獨活青皮用多防風用多黃連一赤

芍藥或細辛甘草節 蟬蛻 姜蠶 脚

連等分加何車 澤蘭 金銀秘傳外科有

膿加首烏白芷效要利青木香 大黃

繩子 牽牛在脚木瓜 蘇合 檀香 萬

石 吹咀每服五錢仲先將壹服加澤蘭少

葉 金銀花各一兩 生薑十錢 同藥搗爛

好酒鍤之熱服不喫酒者水煎為妙然後

用酒水各壹盞半生姜十片煎至熟服汗  
 出為度病退減後再以加大黃二錢煎至  
 熟服再以利壹兩腸去餘毒為妙此方  
 以藥味觀之甚若不切然効速於神驗萬  
 無一失累用累效要味青木香 大黃  
 如別有它證出後宜隨證加減治之速効  
 心煩嘔吐加甘草節一錢豆粉酸漿嘔逆  
 惡心加乳香豆粉甘草湯下紫荷車老姜米醋  
 吞下吞之心煩嘔名伏暑用朱砂五苓散 嘔

逆加母丁香石蓮不正用不換金正氣散  
 加人參木香吐嘔不止名喫水手足冷黃  
 連香薷散吞下消暑元手脚冷加宣木  
 瓜牽牛心煩加麥門冬赤芍梔子燈草  
 潮熱加北柴胡黃芩淡竹絲茅根眼花  
 加朱砂雄黃麝香少腹脹加薏苡仁寒水  
 石熱自利加白朮白朮肉豆蔻櫻粟殼  
 腹內痛不止加南木香乳香喘嗽加知  
 母貝母蜜少頭疼加川芎白芷葱白痛

不止加蘿蔔子川芎葱白搗碎敷太陽即  
 止因痰涎多加生艾尾葉米醋搗取汁嗽  
 去痰咽喉痛加山豆根靈消根搗子淡  
 竹葉艾葉燈草外科此下大便秘加赤芍  
姜只殼外科炒大腹皮小腑秘加赤芍  
 木通車前燈草尿血出加生地黃車前  
 鼻血出加野紅花地黃藕節姜皮生瘡不  
 痛人頂不起灸三壯更不痛不治平骨蒸加  
 絲茅根下無脉服二十四味流氣飲秘方

加進葉速效內消平生受用矣林以並藥  
 飛龍奪命丹專治疔瘡發背腦疽乳癰疽附  
 骨疽一切無頭腫毒惡瘡服之使有頭不痛  
 者服之使痛已成者服之立愈此乃惡證藥  
 中至寶病危者服之立可矣萬無失壹此乃  
 家傳之祕方一生受用不敢輕洩神速之驗  
 即愈立効

蟾酥一錢乾者血竭一錢乳香二錢沒藥二錢  
老酒化雄黃三錢輕粉半錢膽比一錢麝香半錢銅錄一錢寒



水石

錢一

朱砂

傳一錢

外科二錢

海羊

廿个  
蝸牛即

是連設

天竜

足一條

酒浸炙黃去頭  
蜈蚣

腦子

半錢

無亦可

總為細末將海羊研為泥和前藥為元如  
菜豆大如元不就入酒打面糊為元每服  
二元先用葱白三寸令病人嚼爛吐於手  
心男左女右將藥元裹在葱白內用無灰  
熱酒三四盞送下於避風處以衣蓋覆之  
約人行五里之久再用熱酒數杯以助藥

力發熱大汗出為度矣初覺二元即消如  
汗不出重者再服二元汗出即效三五日  
病重者再進二元即愈如疔瘡走黃過心  
者難治之汗出冷者亦死矣如病人不能  
嚼葱搗碎裹藥元在內熱酒送下瘡在上  
食後服瘡在下食前服服此藥後忌冷水  
黃瓜茄子油猪外科有雜魚肉濕面一切  
發風發瘡毒之物不可服之切忌婦人洗  
換狐臭百發百中此藥活人立效  
歌

括

血蝎蟾酥輕粉雄黃銅葉朱砂膽凡寒水  
射香加三七海羊研化專治疔瘡惡毒腦  
疽發背無差如菜豆大二九佳細嚼葱酒  
送下衣被盖之汗出返魂救死堪誇神仙  
傳與世人家奪命金丹無價  
治疔瘡癰疽等瘡癩毒專治能令內消去毒  
化為黑木從小便出萬無失一此方不得祕  
又不輕泄謹之慎之實之可也

乳香 知母 半夏 天花粉 可加川山

甲 白及 皂角 銀花 各一錢仲

右咬咀共計八錢仲無灰酒壹碗煎至半  
碗去滓只作壹服温服不得加減用滓擣  
碎為細末加秋過芙蓉葉壹兩仲用蜜調  
井花水及敷藥於瘡口上如乾再用蜜水  
潤濕過壹宿自然消不必用第三服

雄黃元利大腑去毒積 大錢十八分

蔚金 雄黃 各半兩 大戟 芒硝 各一兩 巴豆

四十粒去殼  
不去油用

各碾為末面糊元菜豆大每服七八九元  
用服用巴豆半粒搗冷白湯吞下如要打  
痰用桑白皮杏仁煎湯冷吞下即行  
又方大戟為末每服三四錢仲茶清調服即

行

又訪下積

江子二七木香八丁香五桃仁筆  
為細末面糊為元菜豆大溫白湯吞下

過藥即行

江子兩豆豉二兩

右為細末面糊元每服七元或九元白湯  
送下忌食熱湯物過後用溫白粥米湯可  
補

拔黃藥用蟾酥飛羅面為元如梧桐子大可  
將壹元放在前面舌下即時黃出  
百二散又名護心散治發疔瘡煩燥手足不  
仕發狂者急宜服之

甘草節 菜豆粉 朱砂各等分

右為細末甚者水調服

返魂丹

麝香許少 雄黃錢二 蟾酥字一 江子七粒夫設燈上燒存性

右為末和酥點舌上三次舍化嚙之疔自

爆切忌用鐵器

理傷續斷方

桃紅散治諸疔瘡雖有凶證迭見六脈俱絕死者此藥悉能主之

蟾酥許少 信石許少 蟬蛻足翅 蜈蚣頭介一 斑

貓三介去 國丹錢五 風化石灰一兩沙礪盛瓦片蓋炭火

煨二時 久取出

右各製同研為末令極細指爪甲刮葱白皮內涎調藥先以禾葉針針破瘡口可深半寸凡疔瘡必有紅絲路可隨紅絲斜下針如瘡在胸以上可斜向下如在胸下可針斜向上蓋瘡毒喜趁心故下針亦隨毒氣行也出針後瘡口有惡血須令出盡別

將蟾酥壹粒如麥粒大入在瘡口中用針送令深入却以前葱涎所調藥敷瘡口莫敷在好肉上用冷水浸濕紙二三十重貼在藥上封固瘡上如清早封固至晚覺瘡口熱卽去紙水洗去令淨用玉紅散擦瘡口瘡口必有數日覺作疼痛只用玉紅散擦瘡仍日用葱湯洗然疔瘡之證雖危惡但能用針破瘡口入蟾酥在內以桃紅散封固瘡後卽可保其回生也至如瘡口覺

作疼痛不可忍不可必憂此非疔毒爲害乃是蟾酥在覺作腐爛疔毒故亦痛也可採芙蓉葉桑葉亦可搗敷瘡四圍散其血勿令血潮日夜各換壹藥須洗瘡後上藥其瘡安好不日也若疔瘡初發時必發寒熱身疼此乃毒氣在表當汗而解自沸湯主之老人虛人孕婦不宜汗下止用桃紅散拔毒

自沸湯

白凡錢五青黛錢三塚間貼背乾石灰錢三  
衛生易  
竹方陳石不灰

右件同為細末研至無聲為度打和令勻  
每服三錢井花水半碗調柳條攪千百下  
令勻頓服之厚衣蓋覆良久用葱豉湯入  
醋少許極熱服少助藥力得汗而解若始  
不覺是疔瘡不曾以前法出汗過數日方  
覺則寒熱體痛皆罷毒氣入裏矣須用利  
藥使內中毒氣下世雄黃丸主之

雄黃丸

雄黃錢五鬱金錢五巴豆去心殼略

壹方加信石壹字許不可多用清油

壹方加斑猫七個去翅翹糯米炒變色去米用以治瘰癧

壹方加玄明粉錢三以治咽喉腫痛喉閉等

證諸州州二藥之譜川二藥州其血而當

右各研為細末麪糊為丸如菉豆大每服  
七丸冷茶清吞下取利為度如未利再服

玉紅散

寒水石青兩 輕粉許少 國丹少

右件研為細末糝瘡口日夜三洗二換蓋  
蟾酥膏桃紅散皆為毒藥故令瘡疼痛用  
玉紅散解二藥之毒用二藥散其血則當  
自然安矣若一時未能辨前項蟾酥桃紅  
散等藥可用李世安一宗治法主之功效  
尤速

李世安治疔法  
當歸散

當歸尾二兩 川芎 荆芥穗 乾葛 烏藥

川獨活 赤芍藥 白芷 升麻各一 羌

活 甘草 防風去蘆 枳殼各半 紅花 蘇

木各二錢 蒼朮半 疼痛者加乳香沒藥白芷各五

瘡熱不退加筆竹青山梔仁各少 人便閉

加枳殼一兩 燥煩加燈心十莖 竹茹一 渴者加

天花粉一兩 腫者加甘草節降真節各半 眼

暈者倍加川芎白芷荆芥防風 渴而小

便閉者加滑石一兩

右件咬咀每服五錢燈草十數莖烏豆十粒水壹鍾半煎至八分病在上食後服病在下食前服連進以效若患疔瘡始初不覺不曾用前法出汗過數日外證皆罷或在腹脇之間或在胸腋之下腫起此乃毒氣入裏所致宜用霹靂火治之若服當歸散外証不解者亦急用霹靂火發散

霹靂火法鵝卵石炭火煨通赤用澱桶壹隻先置竹椅壹隻於桶內又用書杓置竹椅

下令病人裸體坐於椅上用荆芥爲末調下酸米醋壹器却置煨石於杓內卽用荆芥醋淋沃石上火力不可大煨灼人恐病人難禁若火力已微汗尚未透可再加火力再沃之沃時桶口用衾覆蓋別用壹衾蓋病人頭上止留口鼻在外令徧身汗出須要頭面皆有汗病卽除矣此法絕妙老人虛人孕婦不宜汗下可針破瘡口用海馬拔毒散點瘡酒煎蒼耳服至如毒入裏



用辟歷火時病人不須入桶止用壹小水  
桶依前法以杓盛煨石在桶中用醋淋沃  
令病人側身以腫處覆在桶上四圍用衾  
被遮護勿令氣泄良久腫處出汗如汗未  
透可再加火力再沃之須令腫處汗透却  
不必徧身汗也若瘡在兩脇間毒氣欲奔  
心乃危急之証也可急於患處尖上川艾  
炷灸三五壯仍於灸穴前後針出少血灸  
瘡四圍有炮起吉無炮凶若瘡生於虛軟

不便處不可用針灸者可用松針截法針  
斷紅絲路如瘡生於兩胯間毒氣欲奔腎  
者用松針於兩跨紅絲路盡處針斷出血  
如瘡生頭面上者可於項間絲路盡出針  
斷出血或各處紅絲路亦有不現者亦可  
以意消詳用松針針之壽域神方若瘡在兩脇間以下同  
凡用松針者蓋因紅絲路不現無可下手  
出故用此法於頷下兩腋間兩跨間虛軟  
處下手針斷毒氣毋令攻心攻腎而已

松針法取向北松枝上葉壽域神方向極硬

者頓齊作壹束扎令極緊緩緩以意消詳

毒氣所經行虛軟處針之須令出血針時

先用酒潤下針處針必小痛令病人稍忍

仍用雄黃射香為末溫酒調一二服與之

神方一服之方下針若表證皆罷毒氣入

裏者用前雄黃丸主之若手足厥冷六脉

俱絕者此乃毒氣已深氣血為毒氣所併

不能流通是以體冷而不現必須用木香

流氣飲連進數服氣血流通則脉自回矣

然後依法治之萬無一失

海馬拔毒散治疔瘡大效兼治諸惡瘡發背

海馬壹雙炙穿山甲黃土炒水銀置朱砂各

錢雄黃錢輕粉錢腦子少許射香少許

右件除水銀外各研為末打合入水銀再

研至無星針破瘡口點藥入內壹口壹點

神效

夫內疔之證與外疔之証並同亦發寒熱頭

疼體痛但瘡形不現過數日背背腹脇頭  
而手足間或有壹處腫起卽內疔所發之  
處急用霹靂火如前不護場汗法於腫處  
出汗若身體寒熱雖未有腫起但腹痛甚  
者便須作內疔証用後法治之不可緩也  
用蟾酥壹粒病勢重者用二粒置病人舌  
上嚙化後良久用井花水灌嗽却用雄  
黃丸七丸冷茶清吞下得藏府利數行其  
病應手而愈

治內疔蟾酥可於取時用桑葉小錢大入蟾  
酥揉和得所丸如念珠大陰乾

急救仙方

治疔瘡凡疔瘡不破則毒入腸胃不治只用  
蟬退壹味爲末蜜水調半碗飲之及用其  
末津唾調塗瘡上瘡口自潰

衛生易簡方同

一方烏梅三四个取肉打爛以絹片緊縛在

瘡上却將菊花及根苗搗酒飲之不飲酒

者用湯次日晚拔去烏梅自潰

衛生易簡方同

秘傳外科方

拔疔諸疔不出者用此以反

巴豆去殼半立磁石末為

用葱涎同蜜為膏以敷瘡上疔自出矣生膏

易簡方同

外科精義

迴瘡蟾酥錠子治丁瘡毒氣攻心欲死以針刺其瘡向心行處但覺痛有血處下錠子若累刺至心側近皆不痛無血者急針百會穴

痛有血者下錠子若無血以親人熱血代之猶活三四况瘡初發無有不效大抵丁瘡生於四肢及胃背頭項骨節間唯胃背頭項最急初生痛痒不常中陷如丁蓋撼之有根壯熱惡心是也

天南星 欵冬花 巴豆仁 黃丹 白

信巴丁各一錢○獨活五分班猫去頭足

右為極細末川新蟾酥和藥如黍米大撚作錠子每遇丁瘡先以針刺其瘡必不知

痛有血出者下錠子如覺痛不須再用若  
 更不知痛再隨瘡所行處迎奪刺之至有  
 血知痛即止其元瘡亦覺疼痛以膏藥傅  
 之膿山自差用錠子法度以銀作細筒子  
 壹箇約長三寸許隨針下至瘡痛處復以  
 細銀絲子內藥於筒內推至痛處  
 四聖旋丁散治丁瘡生於四肢其勢微者先  
 以好醋調藥塗上以紙封之次服內托裏之  
 藥其丁自旋出根

巴豆仁五分 白殭蠶一分 輕粉一分 硃砂二分 各五分

右為細末醋調用之瘡科精義同

天丁散治壹切丁瘡及諸惡瘡初生以藥塗  
 之急服托裏內消

山丹花藥 香白芷二錢 各二錢 牛蒡根春採  
 天丁乃皂 蒼耳芽 大力子已上各 雄黃去皮  
兩 壹兩

右五月五日受氣修合為細末每用好醋

塗紙封之丁瘡上有黑甲者必須胡桃油

浸次塗之自可瘡科精義同

玉機微義

蟾酥丸治疔黃壹切惡瘡

川烏 蓮花蕊 朱砂各二錢半 乳香 沒藥

各二錢 輕粉 蟾酥各一錢半 麝香半錢

右為細末糊丸菟豆大每服壹丸病重者

二丸依前法服取汗

飛龍奪命丹治壹切疔瘡惡腫癰疽初發或

發而黑陷毒氣內陷者

大南星 雄黃 巴豆各一錢 礞砂 黃丹

信石 乳香各半錢 斑猫拾六個去翅足 麝許少

右為末取蟾酥和為丸如黃黍米大每服

十壹二丸或十四五丸看瘡上下食前後

以好酒送下量人虛實與之忌油膩魚肉

脾物七日

寸金錠子治疔毒惡瘡

朱砂二錢 黃丹 明礬枯 砒霜 輕粉 花

鹹 白芨各一錢半 蟾酥 腦子 麝香少許

右研極細末稠糊和為錠子用之

紅玉錠子去反肉生肌用

乾胭脂 白礬枯各三錢 輕粉 砒霜 黃丹

腦子 麝香少許

右研極細末稠糊和錠子用之

提丁錠子又名透肉錠子治疗瘡危篤發昏

兼治癩瘰

雄黃 朱砂各二錢 青塩 砒霜生 白丁香

輕粉 斑猫大翅足各一錢半 蟾酥 麝香各一錢

黃蠟 草麻子三七粒

右為細末於銀器內或磁器內先將蠟溶

開和前藥丸如桐子大捻作餅子用針刺

破疔瘡放膏餅於瘡頭上又刺四邊五七

下惡血出為妙却用軟膏藥貼之立回內

服首功玄黑散或蟾酥丸

守效散點疔瘡惡肉

砒生 白丁香 松香 輕粉 川烏

生礬

各二錢

蜈蚣

一條

焙干

香

別從

川椒

右為極細末，鉗針刺破瘡口，令血出，唾津調藥貼之，瘡上其根自潰。

壽域神方：山慈姑、川椒、神膏、藥、胡、玄、立、回、肉。

如丁瘡治法：神、外、毒、加、土、又、陳、四、盛、正、小。

治諸般丁腫初發時，用蒼耳子一大握，生薑

四兩同研爛，入生頭酒一碗，去粗熱，服得

大汗即愈。

治一切惡瘡、丁疽、癰等，不識之瘡，極有神效。

用稀蒼草、蠶、蠶、七箇，燒乳香一錢為末，每服二錢，熱酒調服。如毒重，連進三服，得汗為度。

治丁瘡，以蟾酥少許，內瘡中，如疼痛不可忍

者，恐蟾酥之毒，仍以寒水石煨壹兩，輕粉

黃丹各少許，為末，搽瘡口，上夜夜洗換，能

散血止痛，去毒當自安矣。

一方用蟾酥、射香少許為末，糊丸，菘豆大，噉

舌下，取汗出，愈。用葱裹，細嚼，熱酒嚥下，亦



可

一方用多年鏽鐵下焙乾刮去土泥打下鏽  
為末炒紅細研每服壹錢半酒調下汗出  
為度

治丁腫以針刺破四邊用石榴皮末著瘡上

以面圍四邊灸以痛為度衛生易簡方此下有調末傳上

四字仍用帛裹瘡經宿連根自出

一方以蒼耳衛生易簡方燒灰和臘猪脂封之

其根自出

一方生搗蒼耳根葉和童子小便絞取汁冷

大服壹升日三度甚効

衛生易簡方

治疔腫下用端午採稀簽草為末酒調半

兩服汗出愈壹方加乳香少許生白礬末

壹匙好酒一鐘調服忌涼水魚腥無乾末

用新草搗汁尤好

又方用白芨白斂赤斂等分為末津調塗瘡

又止若止壹瘡用一人津調瘡多用三人津調服藥用繡鐵末壹錢

治疔腫惡瘡附骨癰經年不効毒瘡用自死蟾蜍燒存性為末以臘月猪脂和傅極効

治疔瘡用苦蕒搗絞汁頻傅即根出蠶蛾出時切不可取拗令蛾子赤爛蠶婦忌食苦蕒

又方用馬齒莧和梳垢搗封備預百要方同或燒灰

和陳醋封根即出仍生搗汁服

又方用苦苣搗汁傅甚効根即出癰未出膿用汁滴上立潰莖葉傅蛇咬根煮服治赤

白痢骨蒸生搗汁飲不可同血蜜食作痔疾

治疔腫惡瘡用蟾酥半錢輕粉射香各少許丁巴豆壹錢去皮先將巴豆研如泥次下餘

藥同研極細以油紙裹定用時以針微撥破瘡貼藥少許瘡自消散已成者亦追去

毒即潰如癰腫成膿無頭亦微撥破用藥

二次便穿凡惡瘡不可不用

備預百要方

藥丁瘡

丁腫方獨走根用醋磨調付

又煮荆芥莖葉飲之并搗付

又龍葵和土杵付子亦搗付

凡帖皆乾則易之

又丁毒入腹乃至氣絕方棘針三七枚入髮

一握絳緋二寸合燒細末水和服

簡奇方

丁腫先用當歸連翹散下解毒丸疏其內者  
然後服乳香黃耆散外用針刺破搥入蟾  
酥丸或針頭散瘡潰時上追毒烏金散去  
其惡肉桃花散斂之

辨別聖方

三

其藥肉料其煎煨之  
酒或短檢頭婦毒部土銀毒品金銀去  
然對照此香黃齊煎伏以檢時察辨入藥  
下加依口常品少忌藥才無毒其藏其內香

丹毒門

附時毒疔瘡 大頭病 目錄

論

千金方式

香藥丹毒

升麻湯 升麻膏

升麻膏 升麻湯

千金月令

聖意方草

治一方丹毒諸方

金花散

藥方

治丹疹諸方

莽草膏 升麻膏 漏蘆湯

大全本草

三因方介

丹毒證治

香藥皮湯 伏龍肝散 金花散

是齊醫方

丹毒

直指方

丹毒證治

藍葉散 防已散 朱黛散 人參羌活

散 惺惺散 毒踈風解毒散 青白丹

東垣試効方

時毒治驗

普濟消毒飲子

澹軒方

赤疔

赤遊風腫

類聚

卷三

冷疔

疔毒

御藥院方

拔毒散

衛生寶鑑

時毒疔瘡方

漏蘆湯

消毒丸

拔粹方

黑白散

疔瘡方

朱砂散

人參散

施圓端效方

時疫脫胎

乳香湯

奪命丹

消毒散

四神散

解毒丸

大聖散

神效名方

外科精義

葛根牛蒡子湯

通氣散

壽域神方

丹瘤部

衛生易簡方

丹疹

備預百要方

丹毒方

餘藥無名者散見本方

丹毒門

附時毒疣瘡

大頭病

巢氏病源 丹毒病諸候

白丹候

白丹者初發痒痛微虛腫如吹軫軫起不痛不赤而白色由挾風冷故使色白也

黑丹候

黑丹者初發亦痒痛或燦腫起微黑色由挾風冷故色黑也

赤丹候

赤丹者初發軫起大者如連錢小者如麻豆  
肉上粟如雞冠肌理由風毒之重故使赤也  
亦名茱萸丹

丹軫候

丹軫者肉色不變又不熱但起隱軫相連而  
微痒故謂為丹軫也

室火丹候

室火丹初發時必在腓腸如指大長三二寸  
瘦色赤而熱是也

天竈火丹候

天竈火丹發時必在於兩股裏漸引至陰頭  
而赤腫是也

廢竈火丹候

廢竈火丹發時必於足趺上而皮色赤者是  
也

尿竈火丹候

尿竈火丹發於胷腹及臍連陰頭皆赤是也

燦火丹候



燦火丹者發於背亦在於臂皮色赤是也

癘火丹候

癘火丹者發於髀而散走無常處著皮赤是也

螢火丹候

螢火丹者發於膊至脅皮赤是也

石火丹候

石火丹者發通身似纈目突如粟是也皮色青黑

### 三因方

丹毒敘論

經云諸痛癢瘡皆屬心心虛寒則痒心實熱則痛丹毒之病由心實熱也心生血主於脉血熱肌浮陰滯於陽即發丹毒方論有云以其色赤如丹砂塗故得丹名然又有水丹白丹五色油丹豈專以赤為名也又有赤硫天火殃火尿竈廢竈野火等古方以為小兒出入游行觸犯所致此因容或有之若小兒在

襁褓中未能出入亦患此者是豈因觸犯耶  
 大率皆血熱之所為也敎例于後  
 直指方  
 其丹毒方論  
 丹之為候由熱毒之氣搏於榮血而風乘之  
 所以赤浮肌肉而為之走注也然丹有五丹  
 不特色赤或青或黃或白或黑是血熱風毒  
 有盛有衰挾冷挾熱故其色變易又不同焉  
 要之諸瘡皆屬於心心為血之主血為熱之

媒古人以丹命名蓋謂心應火色尚赤揣本  
 揆元大槩心家血熱所致風以動之於是遊  
 走而遍體也蔓衍而不歇則爛肌自四肢而  
 入腹入腎則殺人惟初生於胃腹然後流散  
 於四肢者易愈  
 治病百法

瘡腫丹毒  
 夫大人小兒瘡腫丹毒發熱疼痛不止熱有  
 一法面北端想北海雪浪滔天冰山無際大

寒嚴冷之氣取此氣壹口吹在瘡腫處立止  
用法之人大忌五辛之菜五厭之肉所病之  
人切忌鷄猪魚兔酒醋濕麵等物無藥之處  
可用此法救人

外科精義

論時毒

夫時毒者爲四時邪毒之氣而感之於人也  
其候發於鼻面耳項咽喉赤腫無頭或結核  
有根令人增寒發熱頭痛肢體痛甚者恍惚

不寧咽喉閉塞人不識者將爲傷寒便服解  
藥一二日腫氣增益方悞始茲瘡醫原夫此  
疾古無方論世俗通爲丹瘤病家惡言時毒  
切恐傳染考之於經曰人身忽經變赤狀如  
塗丹謂之丹毒此風熱惡毒所爲謂之丹瘤  
與夫時毒特不同耳蓋時毒者感四時不正  
之氣初發狀如傷寒五七日之間乃能殺人  
治之宜精辨之先診其脉滑數浮洪沉緊弦  
瀋皆其候也蓋浮數者邪氣在表也沉瀋者

邪氣深也認是時毒氣實之人急服化毒丹以攻之熱實以不利大黃湯下之其有表證者解毒升麻湯以發之或年高氣軟者五香連翹湯主之又於鼻內噴通氣散取十餘嚏作効若噴藥不嚏者不可治之如嚏出膿血者治之必愈如左右看病之人日日用噴藥嚏之必不傳染切須忌之其病人每日用嚏藥三五次以泄熱毒此治時毒之良法也經三四日不解者不可大下猶宜和解之服犀

角散連翹散之類至七八日大小便通利頭面腫起高赤者可服托裏散黃耆散宜針鎌砭割出血泄其毒氣十口外不治自愈也此病若五日已前精神昏亂咽喉閉塞語聲不出頭面不腫食不知味者必死之候治之無功矣然而此疾有陰有陽有可汗有可下嘗見僮工但云熱毒只有寒藥殊不知病有微甚治有逆從不可不審矣

瘡科通玄論

赤瘤瘡

夫赤瘤瘡者風邪毒氣榮衛浮行相攻絡脈  
 之間發作肌膚腫痛或固瘡勢感盛風熱在  
 其中臟腑餘毒血脉貫串生赤腫  
 風毒生腫痛邪熱脉浮行 歌曰  
 陽毒風熱脉浮行榮衛虛殘衛氣凝邪熱  
 風毒生腫暈涼肌活血自方能  
 先服解毒圓煎消毒散掃之  
 千金方

丹毒

丹毒壹名天火肉中忽有赤如丹塗之色大  
 者如手掌甚者徧身有癢有腫無定色有白  
 丹者肉中腫起癢而復痛微虛腫如吹狀隱  
 軫起也有雞冠丹者赤色而起大者如連錢  
 小者如麻豆粒狀肉上粟粟如雞冠肌理也  
 壹名茱萸丹有小丹者由遍體熱起遇水濕  
 搏之結丹晃晃黃赤色如有水在皮中喜著  
 股及陰處此雖小疾不治令人至死治之皆

用

升麻膏方

升麻 白薇 肘後作白欬 漏蘆 連翹 肘後方三兩

芒消 黃芩 各二兩 蛇脣 肘後方三兩 枳實 各

兩 蒴藿 四枚 梔子 四枚 肘後方二十枚

右十味微擣碎以水三升浸半日以猪膏

五升煎令水氣盡去滓膏成傅上諸丹皆

用之及熱瘡腫上日三 肘後方五日 經心錄無

枳實以治諸毒腫

升麻湯治丹毒方

升麻 漏蘆 芒消 各二兩 黃芩 三兩 蒴藿 五兩

梔子 二十枚 肘後方 藥中藥菜屬以然醫治之

又右六味咬咀以水一斗浸良久煮取七升

冷以故帛染汁搗諸丹毒上常令濕搗後

須服飲子并漏蘆湯方並見前癰腫條中

服之立瘥小品用治丹軫諸毒腫

單方 生肌 一劑單藥

水菝 生蛇脣 生地黃 生慈菜 蒴

藿葉 慎火草 五葉藤 豆葉菜浮萍

單已上取一味單搗塗之

大黃立梔子品黃芩代苦消

已上取壹味下水和用並以前藥煎中

右十三味或搗或末單用壹味立瘥

又方凡天下極冷無過藻菜最冷但有患熱

毒腫并丹等取渠中藻菜細切熟搗傅之

厚三分乾即易

三因方同

治諸丹神驗方以芸薹菜熟搗厚封之隨手

即消如餘熱氣未愈但三日內封之使醒

醒好瘥止縱乾亦封之勿歇以絕本余以

正觀七年三月八日於內江縣飲多至夜

睡中覺四體骨肉疼痛比至頃頭痛目眩

額左角上如彈丸大腫痛不得手近至午

時至於不角至夜諸處皆到其眼遂閉合

不得開幾至殞斃縣令周公以種種藥治

不瘥經七日余自處此方其驗如神故疏

之以傳來世云耳

治五色油丹方俗名油腫若犯者多致死不可輕之縛母猪枕頭固甚良  
急收極效  
又方牛屎塗之乾即易  
令風公以蘇蘇藥所

治赤流腫丹毒方取榆根白皮為末雞子白和傅之千金翼又用雞子白和蒲蓆衣傅

○聖惠方治壹切丹毒流腫方榆白皮末

兩半右以雞子白調塗之

又方擣大麻子水和傅之

又方以煎羊脂摩之得青羊脂最良集驗方

云治人面目身體卒赤黑丹起如疥狀不治日劇徧身即殺人

千金月令

主大丹瘡方右擣紵麻根附之

聖惠方

治壹切丹毒諸方

夫壹切丹毒者為人身體忽然焮赤如丹之狀故謂之丹毒也或發手足或發腹上如掌大皆風熱惡毒所為重者亦有疽之類也若



不急治則痛不可堪久乃壞爛去膿血數升若發於節間便令人四肢毒腫入於腸則煞人小兒得之最為急也

治壹切丹毒熱痛金花散方

鬱金壹兩黃連壹兩黃芩壹兩糯米三合

右件藥搗細羅為散每用蜜水調令稀稠

得所用雞翎薄丹上乾即更塗

治膏切丹毒惡氣身體赤腫疼痛不可忍

宜用此方

車前草 益母草 地膽草已上各等分

右件藥爛研塗之乾即更塗

治壹切丹毒惡氣五色無常不即療之痛不可忍若壞皮膚則大出膿血或發節解即

斷人四肢此蓋疽之類也宜速治之方右

搗大蒜或小蒜如泥厚塗之乾即更塗以

差為度

又方赤小豆壹升羊角燒灰半兩

右二味搗羅為末以雞子白和塗之如無

羊角卽單用小豆亦良

治壹切丹毒走皮中浸淫疼痛方

鱗鱒

右以雞子清調塗之乾卽再塗

治壹切丹毒流腫方 壽域神方 治丹瘤 右用地龍糞

水和塗之 備須百要方同衛土 易簡方傳之日三次

又方鼠粘草根 勿使見風 洗去土

右搗爛貼之絞取汁飲之亦良

治壹切丹毒徧身方

藿藿子 壹兩

右以酒一大盞和研去滓煎五七沸不計

時候溫服壹合

治壹切丹毒方右用蛇嘶草搗取汁塗之

又方右用生地黄搗取汗塗之

又方右用護火草爛搗傅之

又方右用五葉草爛搗傅之

又方右用浮萍草爛搗傅之

又方右用豉搗羅爲末以水調塗之

又方右用川大黃搗羅為末以水調塗之

又方右用梔子人搗羅為末以水調塗之預備

百要

又方壽域神方右用黃芩搗羅為末以水調

又塗之衛生易簡方同

又方右用川芒消細研為末以水調塗之直指

方同

又方右用五葉藤搗羅為末以水調塗之

治丹疹諸方

夫丹疹者為徧身腫并白丹肉中起痒痛微

腫如吹癰疹起赤亦有雞冠赤起大如錢小

者如麻豆粒壹名茱萸丹火丹有水丹由體

起熱遇水濕搏之結丹如黃色或有水在中

喜著腹及陰處此雖小疾若攻擊令人至死

也

治赤丹癰疹而痒搔之隨手腫起莽草膏方

莽草半兩當歸兩芎藭兩羊躑躅壹兩大戟兩

細辛兩赤芍藥兩芫花兩附子壹兩去皮兩

存件藥細剉用猪脂三斤煎之候附子色  
 黃膏成濾去滓於瓷合內貯之每日四五  
 度取少許傅於胗上調平氣以茶草膏  
 治丹胗煩熱疼痛不止升麻膏方

川升麻三兩白薇三兩漏蘆三兩連翹三兩川芎三兩  
 黃芩三兩蛇銜草三兩枳殼三兩山梔子四兩  
 蒴藿四兩蘇合香菜蔓丹火世小丹山  
 右件藥細剉以水三升猪脂三斤煎候水  
 氣竭濾去滓用瓷器貯不計時候塗之

治丹胗毒氣不消時發疼痛宜搗漏蘆湯方

漏蘆二兩川升麻二兩芒消二兩黃芩三兩梔子  
 人三十枚蒴藿四兩川白芷蘇合香菜蔓丹火世小丹山  
 右件藥細剉以水七升煎至四升去滓以  
 軟帛旋蘸湯搗病上冷即再煖用之

又方粘羊角屑三兩  
 右以水壹大盞濃煎取汁二合以摩之數  
 百徧若無羊角羊脂猪脂鍊候冷摩之亦  
 效

又方右用犛羊角燒灰細研以雞子清和塗之

又方右用酪和搥熱炙手塗摩即消○衛生

易簡方治丹癰瘰用酪和搥煮熱以摩之

手下即消

又方右用白芷及根葉煮洗搥之○衛生易

簡方治丹癰瘰川白芷根葉煮汁洗之差

又方右用慎火草搥熟封之○壽域神方治

大小丹赤遊風腫用景天草即慎火草搥

汁或乾末和苦酒敷之

衛生易簡方同

又方右用白礬煮汁拭之良○衛生易簡方

治大小風癩不止用白礬研細投熱酒中

化勻以馬尾塗之

又方右用蒟蒻汁著少許酒相和浴之

又方右用酒煮石南汁拭之良

又方右用鷄屎汁拭之

又方右用芥子不限多少搗羅為末不計時

候以醃漿水調下半錢

赤疹者由冷濕折於肌中甚即為熱熱即成  
天赤疹也得天熱則劇得冷則減宜用此方  
又右用生蛇銜草搗爛塗之良

白疹者由風氣折於肌中與風相搏遂為疹  
又也得天陰而冷則劇出風中亦劇得晴暖  
則減身暖亦差宜用此方右用枳實水煮  
取汁拭之

大全本草

陳藏器本草云旋花取根苗搗絞汁服之主

### 丹毒小兒毒熱

楊氏產乳療煙火丹發從背起或兩脇及兩  
足赤如火景天草真珠末一兩搗和如泥  
塗之

外臺秘要治白丹苧根三斤小豆四升以水  
二斗煮以浴日三四遍浸洗妙  
千金翼五色丹俗名遊腫若犯多致死不可  
輕之蒲葦燒灰和雞子白塗之

楊氏產乳療龜丹從兩脚赤如火燒五加葉

根燒作灰五兩取煨鐵家槽中水和塗之  
百一方丹者惡毒之瘡五色無常燒鹿角和  
下猪脂傅之  
外臺秘要走皮申浸淫名火丹方取蟻螬末  
傳之  
葛氏方丹者惡毒之瘡五色無常又發足踝  
者擣蒜厚傅之乾卽易之  
治丹毒癩蜈蚣壹條乾者白礬皂子火雷丸  
壹箇百步二錢秤同爲末醋調塗之

三因方

丹毒證治

夫火丹者肉中忽赤如丹塗之色痛痒不定  
甚至徧身白丹者肉中腫起痒痛如吹狀雞  
冠丹者亦名茱萸丹肉上粟起如雞冠水丹  
者徧體熱起黃色如水在皮中五色油丹者  
亦名油腫赤硫丹腫熱赤色流入四肢以上  
皆不問大小如天火骨火殃火尿竈朱田野  
火等丹多著少小但自腹內生出四肢者則

易愈自四肢生入腹者則難治出四肢者則  
 香藥皮湯治諸種丹毒發於四肢腹背頭面  
 或赤或白或痒或痛或寒或熱入四肢以  
 香藥皮兩壹右以壹大椀水同煎取半椀以翎毛刷患  
 處神効  
 伏龍肝散治少小諸種丹毒之患不安  
 伏龍肝不拘多少右爲末以雞子白和傅之日三次

金花散治壹切丹毒

欝金 黃芩 甘草 山梔 大黃  
 黃連 糯米

右七味各一兩生爲末蜜和冷水調以鵝  
 毛上患處

是齋醫方

丹毒 味酸長八寸許人白豆末水淋

專治大人小兒丹毒入腹卽殺人水苔生地  
 黃生松菜豆葉蒴藿浮萍護火草五葉藤



苦硝海藻菜芸臺大黃梔子黃芩但得壹  
 味研末水調傅之  
 治赤遊腫若遍身入腹即殺人白豆末水和  
 塗若入腹及陰者以護火草取汁壹盞服  
 乾即末之水調服出邵州備急方馬敏叔  
 親曾為其子用甚妙所用白豆者  
 直指方  
 藍葉散治諸丹發熱赤腫

白芷 柴胡 知母 杏仁去皮 川芎  
 赤芍藥 生地黃 川升麻 乾葛 生  
 甘草各一分 爛石膏 梔子仁各半分 藍葉日壹分

右判細每壹錢半新水煎服熱甚加黃芩  
 玄參煎服  
 防已散治諸丹

漢防已二錢 川升麻 黃芩 犀角 黃耆  
 川芎各壹分 朴消壹錢

右判每一錢半新水入少蜜并竹葉煎

朱黛散解丹熱諸毒

黃芩

鼠耳

黃芩

青黛

土朱

各壹分

軟滑石

荆芥穗

各半

右為末每壹錢半蜜水調下兼與撲身

人參羌活散

方見眼目門

惺惺散

方見癩疹門

夾和用

竹葉煎湯調下治諸丹

諸丹熱證加黃芩玄參冷證加黃耆白芷踈

風解毒散亦治丹毒

方見諸瘡門

傅方紫浮萍壹椀

中等活地竜七條研細

傅

又方赤小豆末鷄子清調傅

又方青澱汁傅○衛生易簡方治火丹用藍

澱傅之即消

又方水藻擣傅

又方芭蕉根取汁傅

又方梔子大黃蜜水擣傅

又方猪糞燒灰鷄子清調傅

洗方蠶沙一升井水煎溫和密室洗○衛生

易簡方治瘡癰入腹用蠶沙濃煎湯洗避風

青白丹竈中黄土一分豉半分為末麻油調

又傳

東垣試效方

時毒治驗

泰和二年先師以進納監濟源稅時四月民多疫癘初覺增寒體重次傳頭面腫盛目不能開上喘咽喉不利舌乾口燥俗云大頭天

行親戚不相訪問如染之多不救張縣承姪亦得此病至五六日醫以承氣加藍根下之稍緩翌日其病如故下之又緩終莫能愈漸至危篤或曰李明之存心於醫可請治之遂命診視具說其由先師曰夫身半已上天之氣也身半已下地之氣也此邪熱客於心肺之間上攻頭目而為腫盛以承氣下之瀉胃中之實熱是誅罰無過殊不知適其所至為故遂處方川黃芩黃連味苦寒瀉心肺間熱

以爲君橘紅苦平玄參苦寒生甘草甘寒瀉  
火補氣以爲臣連翹黍粘子薄荷葉苦辛平  
板藍根味苦寒馬勃白殭蠶味苦平散腫消  
毒定喘以爲佐新升麻柴胡苦平行少陽陽  
明二經不得伸枯梗味辛溫爲舟楫不令下  
行共爲細末半川湯調時時服之半蜜爲圓  
噙化之服盡良愈因嘆曰往者不可追來者  
猶可及凡他所有病者皆書方以贈之全活  
甚衆時人皆曰此方天人所制遂刊於石以

傳永久

普濟消毒飲子

青葙

黃連

各半兩

人參

三錢

橘紅

去白玄參

生甘草

各二錢

連翹

黍粘子

板藍根

馬勃

各壹錢

白殭蠶

炒七分

升麻

七分

柴胡

二錢 桔

梗

二錢

右件爲細末服餌如前法或加防風薄荷  
川芎當歸身咬咀如麻豆大每服秤五錢  
水貳錢煎至一錢去滓稍熱時時服之食

後如大便硬加酒煨大黃壹錢或二錢以利之腫勢甚者宜砭刺之

澹軒方

赤疔

膚熱令人發赤疔黃連黃藥等分和生此半更

加青澱些兒子薄荷汁調塗即安

赤遊風腫

擣羅白豆治遊風清水和塗最有功又復還

須護火草水調末服乃能攻

遊風蜜炙黃白皮細末還加燕壘泥先煮芽

根茶葉洗麻油塗付用輕篋

冷疔婦人尤效

四物湯中入防風冷疔煎服別和同海螺蛸

小塊著團朱砂未未臨熟方知服時加有

異功

疔毒

病因心中熱

疔毒須防入腹危水苔豆葉及山梔人黃松

葉浮萍草研取壹錢調傅之

御藥院方

拔毒散治丹腫

寒水石四兩石膏二兩黃藥 甘草各壹兩

右件為細末每月新汲水調如膏攤於小

紙花子上散貼腫赤處必用全書

衛生寶鑑入四風公集

時毒疔瘡方

漏蘆湯治臟腑積熱發為腫毒時疫疔瘡頭面洪腫咽噎堵塞水藥不下壹切危惡疫癘

若腫熱甚如芒硝快利為度利已去硝

漏蘆 升麻 大黃 黃芩各壹兩 藍葉

玄參各貳兩 陸味各叁兩

右陸味為粗末每服二錢施圓端効方 水壹

錢半煎至六分去粗溫服腫熱甚加芒硝

貳錢半

消毒丸施圓端効方 治時疫疔瘡惡證

大黃 牡蠣燒 殭蠶炒各壹兩

右三味為末密丸彈子大新汲水化下一

丸無時 拔粹方此下云肉加桔梗黍粘子湯尤妙

拔粹方

黑白散治大頭病如神

黑烏蛇 酒浸 白花蛇 去頭尾 雄黃 錢二 大黃 煨

兩半酒至六分去麻油煎熱甚取

右為極細末每服一二錢白湯調下無時

施圓端効方

時疫脫脰

時疫脫脰腫毒病者古方書論所不見其說

古人無此病故方無此說唯正隆楊公集拯濟方內言自天眷皇統間生於嶺北次於太原後於燕薊山野村坊頗罹此患至今不絕互相傳染多致死亡至有不保其家者狀似雷頭腫弘咽頸攻內則喉嚨堵塞水藥難通攻外則頭面如牛眼耳穴盈視聽俱非杜絕聞見病惡命危雖佈避汗之益深踈利頗差初見憎寒稍厥飲水脉沉不可溫辛發汗急以大黃芒硝之類若泄寒涼之劑加倍併服

得快利方可為救毒氣稍退漸減涼藥理之  
 咽堵食藥不下先灌生油半盞自然能通後  
 於本方選而用之道衰德廢仁殞義湮瘴厲  
 戈烽兆彰惡貫半瓶平穴盜賊難功非此除  
 乳香湯治脫胎喉咽腫痛病滄州于存以大  
四嫂方  
 五黃甘草各二兩為麤末每服四錢水半盞  
 煎半煎至七分去滓化乳香半字溫服不拘  
 齊時候齊自天眷皇錄開土城路井穴飲太  
 奪命丹治時氣脫胎腫塞咽喉水米不食

樂德

全方 川大黃 白殭蠶 小黃 人參 萊菔餅

川大黃壹兩 白殭蠶半兩

右為細末生薑汁為丸如彈子大麩乾生

不薑汁磨化下

消毒散消脫胎腫毒洛州張孔目方

大黃 牙硝 小青黛等分 龍毒 山所 散 漏 笱

右為細末水調鴉翎掃立消

四神散大名王國祥方 小黃 龍毒 山所 散 漏 笱

川大黃 寒水石各壹兩 牛蒡子 芒硝各半



兩

右為細末新水調塗腫上咽喉腫塞生蜜  
調時時含化嚙津妙

解毒丸治大人小兒壹切諸毒吐瀉迷亂欲  
死及時疫脫勝諸驚積熱山嵐瘴氣毒四方  
不伏水土

管象 茯苓 黃藥子 葛根 生地黄  
甘草 黃大豆 滑石 薄荷 縮砂仁  
陰地蕨 川芎 馬騮 人參 菜豆粉

寒水石 紫何車 茵陳 益智 白馬勃

草薺膽 山豆根 川百藥煎 白殭蠶

雄黃 白礬 大黃 青黛 各半兩 此生用

右為細末生蜜為丸如彈子大每服壹丸  
新水化下小兒半丸斟量加減平人服辟

疫不著

大聖散治脫勝病及惡瘡腫毒悶痛 大名郭松年方

川大黃 壹兩 寒水石 壹兩 惡瘡加當歸 壹兩

右為細末每服二錢新水沸湯隨病人意

調下惡瘡熱酒調下量老幼大小臨時以

意加減意加減者水不調惡瘡熱酒調下

神効名方治大頭病兼治喉痺方歌曰 人間治疫有

治大頭病兼治喉痺方歌曰 人間治疫有

仙方壹兩彊蠶二大黃薑汁為丸如彈大

井花調蜜使清涼小兒服之

又法以砭針刺腫處出血立效治時氣

治時氣山豆餅 川百藥煎 白蠟

馬牙硝 寒水石 黍粘子 益鬼曰馬牙

大黃 鬼箭草已上各 腦子少

右六味為細末用新井花水壹盞藥末壹

盞二錢入腦子喫外壹半留用新水調得稠

用雞翎掃在腫處有風涼處坐

外科精義其間變異百歲不巳不封 宜

葛根半莠子湯治時毒大頭病是也入而

葛根其管仲 甘草 大鹽豉 牛蒡子壹

兩大熱心熱者不 煎亦許煎黃連

右為細末每服三錢用水調下此疾近代

患者傳染多致夭枉治之者少得方法與  
 云太熱必然殊不知亦有虛實表裏治之  
 者詳其汗下吐不同大抵與傷寒頗類其  
 尊中亦有可針鑱砭射出血者亦有久而敗  
 爛出膿者其間變異百端不可不慎所宜  
 時疾也瘡科精義  
 通氣散治時氣頭面赤腫或咽喉閉塞不通  
 用之取嚏噴七次遍洩出其毒則差若看病  
 之人用此藥必不傳染

玄胡壹兩 猪牙  
 皂葉 川芎各壹兩 藜蘆  
 下躑躅花二錢五分  
 右為細末每用紙撚子蘸壹米許絛於鼻  
 中取嚏為效瘡科精義

壽域神方

丹瘤部

治丹瘤用硃砂雄黃各二錢桑葉焙乾二兩  
 蟾酥二十箇不見鐵器以景天草壹兩研  
 和眾藥為末敷之

一方用壽星草亦名虎刺連根葉搗汁倒掃於患處

治大小丹赤遊風腫用藍靛搗爛傅之即消

一方衛生易簡方用鑪鐵丁磨水搽之

一方以赤小豆壹合為末朴硝壹合溫水煎塗患處三次即効

禁丹瘤腫毒 呪曰 赫赫洋洋 日出東

山 神光所照 丹瘤平安 清晨向日

念呪畢吸日光氣三口吹三次於瘡上妙

衛生易簡方

治正丹疹

治火丹遍身赤腫用蘿摩草搗汁傅之或就

前搗傅應手即消 備預百要方同

治大赤赤遊風用芒硝煎汁拭丹上

治熱遊丹赤腫用枯樓末 備預百要方苦酸

醋調塗之

治五色丹名油腫不可輕忽用榆白皮末和

雞子清傅之

治丹發疼痛用篇蓄搗汁服壹升未差再服

治火丹用有刺栗皮煎湯洗

備預百要方同

治天行癩瘡須臾遍身皆帶白漿此惡毒氣

用葵菜葉煮熟以蒜蘸啖之則止

治火遊腫流遍身赤色入腹即死用生猪肉

貼赤處其肉臭惡虫烏不食

治五色丹毒遍身散行用乾姜末蜜調塗立

愈備預百要方同

又方用甌帶燒灰為末以雞子白水和塗之

即効

治時疾發豌豆瘡及赤瘡子未透心煩狂躁

氣喘妄語或見鬼神用竜腦壹錢細研旋

丹滴猪心血和丸如雞頭大每服壹丸紫草

湯下心神便定得腫瘡復發透依常將息

治人并六畜天行時氣豌豆瘡用黍穰濃煮

汁洗之差瘡黑者杵蒜封之亦可以芸薹

煮湯洗

治纏蛇丹用竈心土乾研清油調塗

又方用糯米粉和塩同嚼唾患處可以差

備預百要方

丹毒方

丹毒方川生地黃大豆葉浮萍水中

蕪菜繁蔓等皆單搗付之

又者葫藿湯以小許酒和浴

諸丹通川方鹿角末和猪脂付

又蜜和薑末付之

又益母草搗付并服汁

又五毒根搗付

丹毒方用生地黄... 丹毒方用生地黄... 丹毒方用生地黄...

丹毒方用生地黄... 丹毒方用生地黄... 丹毒方用生地黄...

癰瘰門 附惡核 目錄

論 癰瘰 癰瘰 癰瘰 癰瘰

千金方 癰瘰 癰瘰 癰瘰 癰瘰

曾壽散 薔薇圓 豆平午端 時地散

千金月令 癰瘰 癰瘰 癰瘰 癰瘰

白聖惠方 癰瘰 癰瘰 癰瘰 癰瘰

治癰瘰結腫寒熱諸方 癰瘰 癰瘰 癰瘰 癰瘰

連翹散 沉香散 玄參散 菰蘘子散

石鷲丸 連翹丸 木通丸 白斂散

下醫治癩瘰結核諸方  
白煨醋

五香散 升麻散 斑猫丸 烏蛇丸

螺子丸 雄黃丸 朱砂丸 琥珀膏

白煨散

干治癩瘰有膿諸方

連翹散 蠶甲散 豆牛子散 枳殼丸

白飲丸 薄荷丸 蜂房膏 鼠灰散

治風毒癩瘰諸方

犀角散 昆布散 皂莢丸 烏蛇丸

皂莢丸 斑猫丸 何首烏丸 牛蒡子

丸 丹參膏 榆白皮散 皂莢針散

黃花蛇散

癩瘰門二

聖惠方二

治氣毒癩瘰諸方

檳榔散 斑猫散 蝸牛散 皂莢子丸

班猫丸 何首烏丸 海金花丸 皂莢

丸 薄荷丸 膩粉丸 天靈蓋散 硫



黃丸

治熱毒瘰癧諸方

連翹散

玄參散

紫參丸

甘草丸

木通散

皂莢丸

麝香丸

雄鼠糞丸

地膽散

斑猫散

治久瘰癧諸方

狼毒散

鶴骨丸

斑猫丸

地栢散

七神丸

雄黃丸

蜴蜥丸

麝香膏

硼砂散

騏驎竭膏

治惡核腫諸方

獨活散

連翹散

白欽散

黃耆散

五香散

大全本草

三因方

瘰癧證治

必勝丸

白花蛇散

四聖散

蝸牛散

旱蓮子丸

衛生十全方

癩瘡方

癩瘡

癩瘡方

早是齋醫方

癩瘡方  
四聖煎  
融半劑

立應散

瑣碎錄

直指方

癩瘡證治

立應散  
薄荷丹  
必捷圓  
神秘散

雌雄散  
木龍膏  
粉乳托裏散  
蠟礬

圓  
山豆根方  
解熱方  
洗傳方

朱氏集驗方

玉屑妙靈散

嚴氏濟生方

癩瘡

皂子圓  
三聖圓  
連翹圓

宣明論

乳香散  
五香湯  
紫參丸  
香藥丸

東垣施效方

癩瘡

癩瘡

救苦化堅湯

散腫潰堅湯 升麻調經

湯谷連翹散堅湯 竜泉散 柴胡連翹

湯消腫湯

御藥院方

鎮肝力 麝香散

得效方

癰癧

四聖散 牽牛圓 破毒雄黃圓 海菜

圓 立應散

澹軒方

十全癰癧

久年癰癧

癰癧堂式

癰癧後方

丹參膏

衛生寶鑑

太一膏 剋効散 玉燭散 翠玉膏

五香連翹湯

類聚醫方

九十一

拔粹方

太一馬刀瘡

王猷方

張玉祥方

救苦勝靈丹

丹毒癩瘰證

連翹湯 藎麥飲子 神聖膏

瑞竹堂方

瘡腫

十全內托散 替針丸 遇仙無比丸

王氏集驗方

醫方大成

牛蒡子圓

永類鈴方

癩瘰

瘡科通玄論 大聖膏

癩瘰瘡

如聖餅子

經驗秘方

經驗良方

類聚醫方

九十一

大聖散

醫林方

如聖餅子 皂角丸

吳氏集驗方

一井金 琥珀散 大聖散

神效名方

玉餅子

外科集驗方

治療瘰癧方法

祕傳膏藥 五香連翹散 立效散

急救仙方

外科精義

皂角煎丸 紫金散 必效散

瘡科精義

皂角膏丸

玉機微義

神聖換肌散 奇功散 法製靈雞彈

妙靈散 內消連翹丸

壽域神方

癩癧部

衛生易簡方

癩癧

金匱鈞玄

備預百要方

癩癧方

餘藥無名者散見本方

癩癧門一

附惡核

千金方 癩癧者肉中忽有核累累如梅李核小者

惡核病者肉中忽有核累累如梅李核小者如豆粒皮肉疼痛壯熱燥索惡寒是也與諸

瘡根癩癧結筋相似其瘡根癩癧因瘡而生是緩無毒惡核病卒然而起有毒若不治入

腹煩悶殺人皆由冬月受溫風至春夏有暴寒相搏氣結成此毒也但服五香湯出之又

以小豆末傅之亦煮湯漬時時洗之消後以

丹參膏傳之令餘核盡消凡惡核初似被射  
公毒無常定處多惻惻然痛或時不痛人不  
痛者便不憂不憂則救遲救遲即殺人是以  
宜早防之尤忌魚雞猪牛馬驢等肉其疾初  
如粟米或似麻子在肉裏而堅似炮長甚速  
初得多惡寒須臾即短氣取吳茱萸五合作  
茱水壹升和之絞取汁頓服以滓傳上須臾  
服此汁令毒散止即不入腹也入腹則致禍  
矣切慎之

三因方

癩癧證治

夫九漏形疹皆癩癧於項腋之間發作寒熱  
其根在臟腑千金所敘雖名九漏別錄方證  
其名更多狼漏根於肝得之憂怒鼠漏根於  
胃得之食鼠毒螻蛄漏根於大腸得之食菓  
蜂漏根於脾得之飲流小有蜂毒虻蜂漏根  
於腎得之食中有虻蜂毒螻蛄漏根於心得  
之喜怒哭泣浮蛆漏根於膽得之思慮癩癧

漏根於腎得之新沐髮轉脉漏根在小腸得  
之驚卧失枕此等因證文義不明未知所始  
若以理例較之怒根在肝鼠毒在胃食瓜菓  
在大腸蜂水在脾姑且通俗易曉如轉脉因  
驚根當在膽却云在小腸浮蛆因思慮根當  
在脾却云在膽瘰癧因沐髮亦不當在腎名  
義不遵似難考據又况哭泣得蟻蠶之名思  
慮則浮蛆之名此尤不可曉也其外更有風  
漏冷漏蝎漏蟻漏蠅漏蚯漏蛆漏蠟漏蛛漏等

名狀不一諒皆出於上俗隨象命名耳難以  
考據治治法觀其未著於肌肉而外爲膿血  
者從本引末可使衰去針之灸之傳之角之  
從其所因宣通本臟皆有成法千金又有決  
死主反其目視其中有赤脉從上下貫童子  
見壹脉壹歲死見壹脉半壹歲半死二脉二  
歲死三脉三歲死赤脉不下貫童子可治雖  
有是說驗之病者少有是證亦難攷據此往  
往是三陽傳諸陰經方有之若本臟發未必



有是學者知之 癩癧之毒其本則發於心 直指方 癩癧方論 癩癧生於項腋之間 凡人少小以來 動輒蓄 怒或憂思驚恐 抑鬱不伸 多致結核于項日 積月累風毒熱氣聚焉 於是腫濕開瘡起伏 無已甚則牽連至于腋下 自腋下而蔓衍心 胷殆無及矣 發熱增寒 煩渴盜汗 或寒熱往 來或痛或不痛 其外證也 治法無他 大抵以

地膽斑貓為主 蓋癩癧之毒 莫不有根 地膽 斑貓製度如法 能使其根從小便中出 或如 粉片或如塊血 或如爛肉 皆其驗耳 但毒根 之移小便亦必澀痛 當以木通滑石輩導之 然是毒必從小便出者 何哉 諸痛癢者 蓋屬 於心 其或豈二流行於大便 尤快便也 人有 此患 不惟懲忿窒慾 謹護燥濕風寒 其於飲 食百味 一切戒之 然則投方匕之劑 當何如 而貴效焉 曰 飯蔬食而已

嚴氏濟生方

食百瘰癧論法之然則其

夫瘰癧之病卽九漏是也古方所載名狀不  
壹難以詳述及其生也多結於項腋之間累  
累大小無定發作寒熱膿水潰漏其根在臟  
腑蓋肝主狼漏胃主鼠漏大腸主蠅蝓漏脾  
主蜂漏肺主蚘蜂漏心主蟻蠶漏膽主浮蛆  
漏腎主瘰癧漏小腸主轉脉漏原其所自多  
因寒暑不調或由飲食乖節遂致血氣壅結

而成也巢氏所載決其生死反其日以視之  
其中有赤脉從上下貫瞳子見壹脉壹歲死  
見壹脉半壹歲半死見二脉二歲死見二脉  
半二歲半死見三脉三歲死赤脉不下貫瞳  
子可治三因云有是說驗之少有是證理宜  
然也平時有一二治法用之已驗謾錄于后  
治病百法

瘰癧

夫人頭目有瘡腫瘰癧及脅臆肱脇之間或

有瘡痂腫核不消及有膿水不止可用滄塩  
 膏二兩炒過以長流水壹大椀煎放温作三  
 五次頓服訖候不多時於咽喉中探引吐涎  
 三二升後服和血通經之藥如玉燭散四物  
 湯之類是也內經曰鹹味涌泄為陰涌者吐  
 也瀉者泄也銅人曰少陽起于目銳眥行耳  
 後下脇肋過期門癰癧結核馬刀挾癭是少  
 陽膽經多氣少血之病也

下形三癧

癰癧

一婦人病癰癧延及胃臆皆成大瘡相連無  
 好皮肉求戴人療之戴人曰火淫所勝治以  
 鹹寒命以滄塩吐之壹吐而著癰次用涼隔  
 散解毒湯等齊皮肉乃復如初

襄陵馬國卿病在乳下一脇間期門穴中發  
 癰堅而不潰痛不可忍醫瘍者皆曰乳癰或  
 曰紅系漏或曰覷心瘡使服內托散百日又

服五香連翹湯數月皆無驗國卿偃僕而來  
求治于戴人遇諸市戴人見之曰此馬刀癰  
也足少陽膽經之病出靈樞十二經以示之  
其壯如馬刀故曰馬刀堅而不潰乃邀之於  
食肆中使食水浸湯餅國卿曰稍覺緩次日  
先以滄榆上涌又以涼劑滌去熱勢約數日  
行種已散矣  
又朱葛黃家妾左脇病馬刀癰增寒發痛已  
四五日矣戴人適避暑於寺中來乞藥戴人

曰此足少陽膽經病也少血多氣堅而不潰  
不可急攻當以苦劑涌之以五香連翹湯托  
之既而痛止然癰根未散有壹盜醫過見之  
曰我有妙藥可貴而為膿不如此何時而愈  
既縱毒藥痛不可忍外寒內熱嘔吐不止大  
便黑色食飲不下號呼悶亂幾至于死諸姑  
惶懼夜投戴人戴人曰當尋元醫者余不能  
治其王母亦來吉至再三戴人曰脇間皮  
薄肉淺豈可輕用毒藥復令洗出以涼齊下

之痛立止腫亦消

永類鈴方

瘰癧

瘰癧即九漏是也多於項腋之間發作寒熱  
膿水潰漏其根在臟腑千金方所敘決其死  
生反其目視其中有赤脉從上下貫臍子見  
青脉壹歲死壹死半壹歲半死以此次第視  
之赤脉不下貫臍子者可治有是說終未有  
證

脉

病證

治法

狼

根於肝憂初發濟生左當歸飲子

怒得之下迎翹元米破作寒熱

鼠

根於胃食木鱉子二介去殼草烏

鼠毒得之半兩並磨葱白連根

蝮

根於入腸數莖同搗加蚯蚓糞

食果得之如木鱉子等分並以真

根於脾飲米醋磨調勻傳扯紙片

蜂

流小有蜂貼之令通氣孔為妙阮

癩瘡

毒

氏葛氏相作熟時車前

蚘蜂漏

根於肺食草烏鷄糞傅之或生玄

毒

蚘蜂毒參擣傅口二易之斗門

瘰癧

根於心喜方瘰破或不破下至胸

毒

怒哭立得之前者用何首烏如鷄卵

浮蛆

根於膽思大洗生嚼又取葉擣傅

毒

慮得之瘡上不數服即愈久服

癩瘡

根於腎新黑髮延年其頭九數者

毒

沐髮得之名九真藤服之可仙三

轉脉

根於小腸因白花蛇次服四聖散

驚胃失枕御院牛蒡子元

得之

外科精義

論癩瘡治法

夫癩瘡之病其名甚多巢氏病源載之三十六種千金聖惠所論癩瘡九漏總論說有風毒熱毒氣毒之異癩瘡結核寒熱之殊其本皆由恚怒氣逆憂思過甚風熱邪氣內搏於

肝蓋怒傷肝肝主筋故令筋畜結而腫其候  
多生於頸腋之間結聚成核初如豆粒後若  
梅李核累累相連大小無定初覺增寒壯熱  
咽項強痛腫結不消者當使服五香連翹湯  
或牡礪大黃湯踈下三兩行於上貼十香膏  
烏犀膏及用淋濁腫湯潰毒湯時復淋濁如  
此救療卽得消散若未消散可服內消丸或  
皂角丸之類漸以求差若腫結深硬荏苒月  
日不能內消者久必成膿若腫高而稍輒其

入面色痿黃皮膚壯熱上蒸膿已成也可以  
針決核中令其潰散則易愈也治法如瘡法  
干瘡口中用追毒蝕肉銚子維之於上用烏  
犀十香膏等貼之及托裏之劑和之經久不  
差或愈而復發或別處自穴膿水透出流津  
不止肌體羸瘦者變成九瘦內經曰陷脉爲  
瘦留連內腠卽此病也可用蒜餅子灸之然  
後瘡口上用紫金散翠霞散等於上紐貼膏  
藥求差其將護忌慎治療用法無造次焉

千金方

會青散治寒熱瘰癧及鼠瘦方

曾青一作礬石 荏子一作附子 各半 栝蘘

根 露蜂房 當歸 防風 芍藥 黃

耆 黃芩 狸骨 甘草各貳兩 細辛 乾

薑各一兩 斑猫 元青各五枚

右十七味治下篩以酒服壹方寸匕日再

治寒熱瘰癧方

土瓜根 連翹 龍膽 黃連 栝蘘根

苦參 芍藥 恒山各一兩

右八味治下篩酒服五分匕日三千金翼外臺有

狸骨一枚又千方翼一方有當歸無栝蘘恒山

薔薇圓治身體有熱氣瘰癧及常有細瘡并

口中生瘡方

薔薇根三兩 黃耆 黃芩 鼠李根皮 栝

蘘根 芍藥 苦參 石龍芮 防風壹

防白欽 龍膽各壹兩 梔子四兩

右十二味為末蜜丸如梧子大飲服十五



丸日再千金翼有黃藥壹兩

治癩瘰方白殭蠶治下篩水服五分七日三

服十日瘥煙霞聖方同

又方狸頭一枚炙持篩飲服方寸七日二

又方故鞋內氈替燒末五匕和酒壹升平旦

向日服之強行須臾吐鼠出三朝服外臺不同

又方狸頭蹄骨等炙黃擣篩為散飲服壹錢

七日二

又方貓兩眼陰乾燒灰并花水服方寸七日

再

又方乾貓舌為末傅瘡上

又方狼屎灰傅之衛生易簡方同

又方狐頭狸頭灰傅之以和二杖對十日

又方五月五日取壹切種種雜草煮取汁洗

之永節鈔方同

又方貓腦莽草單煎而曰小

右二味各等分為末著孔中

灸癩瘰法壹切癩瘰在頂上及觸處但有肉

結凝似作癭及癰癤者以獨頭蒜截兩頭  
留心大作艾炷稱蒜大小帖癭子上灸之  
天勿令上破肉但取熱而已七壯豈易蒜口  
日灸之取消止

千金月令

主癭癧方右取海藻一斤以酒二升浸七日  
稍稍飲之○聖惠方治癭癧頂上生累累  
如梅李宜速消之方海藻壹斤石用酒五升  
肘後方浸數日少少飲之瓊碎錄同

主卒患癭癧子者不動方右取桃皮帖上灸  
二七壯

主惡核腫不散方右取鮮鯽魚搗附之  
聖惠方一

治癭癧結腫寒熱諸方

夫癭癧者由風熱毒氣壅滯於胃膈之間不  
得宣通而搏於肝肝主筋故令筋稽結而腫  
多生於頸腋之間浮於筋皮之中有結核累  
累相連大小無定其初發之時熱毒腫結故

令寒熱也

治癰瘰結腫疼痛時發寒熱連翹散方

連翹壹兩射干三分玄參三分赤芍藥半兩木香半兩

川芒消壹兩川升麻三分梔子半兩前胡半兩

頭當歸三分甘草半兩川大黃壹兩

右件藥持篩為散每服三錢以水壹中盞

煎至六分去滓溫服日三四服

治癰瘰寒熱結腫疼痛心胸壅滯宜服沉香

散方

沉香壹兩桑寄生壹兩射干壹兩川升麻壹兩防風

三分去麝香壹分連翹壹兩薰陸香三分藿香

三分川大黃壹兩碎微炒

右件藥持篩羅為散入麝香研勻每服四

錢以水壹中盞煎至六分去滓溫服日三

四服

治癰瘰初生結腫發歇寒熱玄參散方

玄參壹兩枳殼壹兩木通壹兩獨活壹兩

犀角屑半兩川大黃壹兩杏仁壹兩湯浸

人麩炒  
微黃

右件藥擣篩為散每服三錢以水壹中盞  
煎至六分去滓溫服日三四服

治癰瘰初結腫痛寒熱四肢不安菰蘆子散

方

菰蘆子三分 皂莢子人 三分 連翹分 牛蒡

干三分 牽牛子三分 何首烏分 川大黃兩

剉碎微炒 梔子壹 甘草壹 白螺殼壹 漏蘆

兩

右件藥擣細羅為散每於食前以溫酒調

下二錢

治癰瘰結腫寒熱疼痛心腹煩壅石鷲丸方

石鷲壹 真珠末壹 麩金石三分 木香分

井泉石分 續隨子分 檳榔壹 郁李人兩

湯浸去  
皮微炒

右件藥擣羅為末同研令勻鍊蜜和擣三

五百杵丸如梧桐子大每於食後以粥飲

下十九

治瘰癧結腫不散欲成膿致寒熱不退連翹丸方

連翹壹兩 川大黃壹兩 碎微炒 沉香壹兩 薰陸壹兩

牛蒡子壹兩 微炒 黃耆壹兩 剉 枳殼壹兩 麩炒 玄

參三分 羌活三分 赤芍藥三分 川升麻三分 占斯三分

芎藭三分 黃芩三分 皂莢子四分 炒 黃燠九枚 紅藍

斯者壹分 波壹分 右件藥搗羅為末鍊蜜和擣三五百杵丸

如梧桐子大每於食後以溫水下三十丸

治瘰癧結腫身體寒熱心胃壅滯木通丸方

木通壹兩 玄參壹兩 連翹壹兩 川升麻壹兩 敗醬

三分 大麻人壹兩 川大黃壹兩 剉 赤芍藥三分 犀

角屑三分 黑豆壹兩 炒 昆布壹兩 洗 去鹹味

右件藥搗羅為末鍊蜜和擣三二百杵丸如梧桐子大每於食後以暖漿水下二十丸

治瘰癧生於頸腋結腫寒熱宜用貼熨白飲散方

白斂半兩甘草半兩玄參半兩木香半兩赤芍藥半兩  
川大黃半兩

右件藥搗細羅為散以醋調為膏貼於患  
上乾即易之

治癩癧結核諸方

夫癩癧結核腫硬者山藏腑壅滯風熱毒氣  
攻於肝搏於筋脈結聚成核也則令增寒壯  
熱項強頭痛四肢不安心神煩悶其狀多生  
於項腋之間或如梅李或似珠顆相連其浮

於皮膚之中未著肌肉可以藥內消之若腫  
硬堅盛不可消之則以藥外化為膿血令其  
潰散即易愈也  
治心膈久積熱毒肝氣滯留致項生癩癧結  
核五香散方

沉香一兩木香一兩薰陸香壹分麝香壹分丁香壹分  
羚羊角屑叁分連翹壹兩子芩叁分川升麻壹兩  
麥門冬壹兩赤芍藥叁分玄參叁分當歸叁分犀  
角屑叁分甘草叁分地骨皮叁分川大黃一兩碎微炒

黃耆 壹兩

右件藥搗篩為散入麝香研令勻每服三

錢以水壹中盞入蘆根五寸生薑半分煎

至六分去滓不計時候溫服

治瘰癧結聚顛塊成瘡上攻頭項疼痛升麻

散方

川升麻 壹兩 連翹 二兩 玄參 壹兩 敗醬 壹兩 川大黃

二兩 犀角屑 壹兩 虎杖 壹兩 紫葛 壹兩 桑根

白皮 壹兩 甘草 壹兩 紅雪 每服壹錢

煎至六分去滓不計時候溫服

右件藥搗篩為散每服四錢以水壹中盞

煎至六分去滓不計時候溫服

治瘰癧結核腫硬相連如珠顛頭項肩脾煩

疼斑猫丸方

斑猫 壹分 赤黑斑點者佳 猪牙皂莢 一分

皮炙烏蛇 一兩 半酒浸去 蛇脫皮 半兩 天

南星 半兩 炮露蜂房 二兩 川大黃 三分 剉

麝香 壹分 葳靈仙 兩

右件藥搗羅為末入麝香研令勻鍊蜜和

搗三二百杵丸如梧桐子大每於空心以  
粥飲下十九至辰巳間病下如蝦蟆衣及  
諸惡物

治癩癧成結顆核腫痛不散或破為膿水不

絕烏蛇丸方

烏蛇三兩酒浸去皮犀角屑三分連翹兩玄

參三分昆布去鹹味牛蒡子壹兩川大黃兩

劉碎壹兩黃耆劉漏蘆兩甘草壹兩枳殼兩

參三分麩炒去穢大麻人三分郁李人去皮斑

貓壹分以糯米伴炒

右件藥搗羅為末鍊蜜和搗三五百杵丸

如梧桐子大每服不計時候以清粥飲下

二十九

治癩癧結核腫硬螺子丸方

小螺子一十八枚去尖微炒斑貓二拾壹枚去頭雀

兒糞六十叁枚白麝香壹錢

右件藥先搗羅前三味為末入麝香研令

勻以好豉壹合爛搗研和丸如菉豆大每



目空腹以葱茶下五丸

治癰瘰結核腫硬疼痛方

斑猫拾四枚去頭足翅雄鼠糞二七枚

右件藥同研令極細入膩粉二錢更研千

遍以棗豆麵入新汲水和丸如棗豆大每

服空心以麝香酒下三丸覺腹內痛便以

消石末膏錢用酒壹小盞煎壹沸溫溫服

投之約壹炊久大小便當有如雀卵汁壹

合已來下者是効宜服後藥補之

補藥雄黃丸方

雄黃壹分朱砂壹分麝香壹分細辛半兩

參半兩去蘆頭

右件藥搗羅為末入研了藥令勻鍊蜜和

丸如棗豆大每於食前以溫酒下三丸

治癰瘰結核腫痛令內消朱砂丸方

朱砂壹分膩粉壹分粉霜壹分

右件藥同研令勻用雞子白和丸如梧桐

子大每於五更初煎葱湯下三丸良久當

利如未利再服

治瘰癧結核不散方

雄鼠糞壹兩小皂莢針壹兩到櫛白皮兩

水八升煎取叁升

右件藥擣羅為末每服用藥末壹錢至五

更初暖藥汁一小盞調服服後便附良久

當有大吐如未吐更進一服至日出吐病

如小蝦蟆相似吐盡為効與溫粥食之

又方膩粉壹錢精羊肉二兩乾薑一錢凌霄花日取

者壹兩

右件藥二味搗羅為散入膩粉都拌肉以

濕紙裹三五重火煨熟取出作壹服喫了

以溫酒下之仍含生薑壹片子恐吐日沒

時服至二更取下惡物五日壹服不過三

服効

治瘰癧及壹切風氣結核堅硬疼痛琥珀膏

方和劑局方治項項瘰癧及發腋下初如梅

膿子腫結硬強漸若連珠不消不潰或穿穴漸成瘻疾並皆治之

琥珀壹兩 丁香叁分 木香叁分 桂心半兩 朱砂半兩  
細研 木龍子半兩 當歸半兩 白芷半兩 防風半兩  
研 木通半兩 黃丹七兩 局壹斤 垂柳枝叁兩  
頭 松脂二兩 局壹斤 油壹斤 局二兩 ○

右件藥先用琥珀丁香木香桂心朱砂五味搗羅細研為末其木龍子已下六味並細研以油浸一宿於淨鐺內以慢火煎候白芷焦黃色漉出次下松脂令消懸濾過澄油清却安鐺內慢火熬下黃丹以柳木

篋不住手攪令色黑滴於水椀內局方自

散四 然看硬軟得所入琥珀等末攪令勻

傾於瓷合中每使時看大小火畔煖以紙上勻攤貼之每日兩度換之

治瘰癧結核根源深固腫硬疼痛宜服白欵散方

白欵叁分 黃連叁分 川大黃壹分 黃芩叁分 莽草叁分

赤石脂叁分 赤芍藥叁分

右件藥搗羅為末以雞子白旋調塗於故

帛上貼之燥即易之

治療癧結核外貼令自出方

膩粉壹分 粉霜壹分 斑猫壹分 鷺子糞壹分 砒霜壹分

分壹

右件藥都研令細用臘月猪脂調勻每用

一小豆大安在癧子上用麩胡紙封定至

六七日有膿水下至半月日自出速用生

肌膏貼之

治療癧結核痛堅硬如石宜用此方

蒜參枚搗如泥 麝香壹分細研

右件藥同研令勻塗於布上貼之壹日兩

易旋合為妙

又方麝香壹錢細研 鯽魚兒二拾枚長壹寸者去腸肚了每壹枚魚兒

腹內入和皮巴豆一枚

右件藥入瓶子中以泥封漸漸燒令通赤

候冷取出入麝香同細研為散每日空心

以溫酒調下半錢良久以熱酒投之逐下

惡物每日常服下盡惡物其病內消

癩癧專方

癩癧

又方賦粉半雞子白用

右件藥調如稀麪糊以慢火炒之用火筋

急攪勿令粘著銚子候焦黑色即住入土

好朱砂半兩同細研如麪大人即於五更

以粥飲調下一錢良久腹痛便瀉出病根

如棗核之類便差小兒十五已下只可服

半錢

治癩癧發腫而堅結成核宜用貼燻方

莽草壹兩

右擣羅為末以鷄子白和塗於帛上貼之

一日二易瑣碎錄肘後方壽域神方同衛

宜傳之

治癩癧結核令內消方右取虬蟲隨多少微

炒搗羅為末鍊蜜和丸如梧桐子大每於

空心以溫酒下三九

治癩癧無問有頭無頭宜用此貼方

大蜘蛛五枚曬乾○

右件藥細研以酥調如麪脂每日兩度貼

之肘後方同

治癰瘰結核宜用此灸法

巴豆一枚去皮心艾葉一雞子大

右件藥相和爛搗摩碎曝乾撚作炷灸瘰

子上三壯卽止錄同

治癰瘰結核灸葶藶餅子法

葶藶子二合鼓半升湯浸令軟

右件藥都擣熟捻作餅子如錢厚安在瘰

子上以艾炷如小指大灸餅上五日壹度

灸七壯

治癰瘰結核腫硬宜灸商陸餅子法

商陸三兩

右件藥擣令爛捻作餅子如錢大安置瘰

子上以艾灸餅子上令熟乾住灸二十壯

差

治癰瘰結核宜灸葇菀根法

葇菀根壹兩鹿者

右件藥切厚約三四分安瘰子上緊作艾

炷灸之熱微則易五六炷住頻頻灸當即  
減退矣

治癰瘰在頂上內結成顆塊及觸處但有結  
凝宜急灸法

獨頭蒜一顆

右件藥截兩頭留心大作艾炷稱蒜大小  
貼瘰子上灸之勿令破肉但取熱而已七  
壯易蒜日日灸之取消為度

治癰瘰有膿諸方

夫癰瘰者由結風於內積熱在肝榮衛不和  
胃膈壅滯毒熱搏於筋脉結聚所成也初得  
卽覺項邊磊磊狀若連珠面色萎黃皮膚壯  
熱久而不療被熱上蒸則化為膿  
治癰瘰熱腫肉敗生膿連翹散方

連翹一兩犀角屑一兩玄參半兩黃耆壹兩杏仁

豈兩湯浸去皮尖木通半兩漏蘆一分

右件藥搗篩為散每服三錢以水壹中盞  
煎至六分去滓食前溫服

治癩瘰出膿血不止宜服此消死肉散毒氣使瘰子轉動寬軟鼈甲散方

鼈甲 一兩塗醋炙 桑螵蛸 五枚 狼毒 二兩

炒 麝香 壹錢 雄黃 壹兩

雌黃 壹兩 麝香 壹錢 雄黃 壹兩

右件藥搗細羅為散入研了藥更研令勻

每日空心日午近夜各壹服以粥飲調下

一錢

治癩瘰頭多經久不差膿血不止疼痛豆牛

子散方

豆牛子 豆葉上生者二七枚 麝香 壹錢

右件藥同研如麪別取枳殼末三錢用水

壹盞煎至四分去滓調下散子半錢五更

時服良久覺腹痛但只以枳殼湯細細呷

之即自止有惡物微小腸出為効

治癩瘰結腫穿潰生膿枳殼丸方

枳殼 一兩半 麝香 壹錢 玄參 壹兩 漏蘆 壹兩 川大

黃 壹兩半 黃耆 二兩 營實 兩 半莠子



類聚

百

二兩 露蜂房 中兩 微炒

右件藥搗羅為末鍊蜜和搗三二百杵丸

如梧桐子大每服不計時候以粥飲下三

十九

治瘰癧結腫有頭膿水不止白欬丸方

白欬 壹兩 黃耆 壹兩 木香 壹兩 枳殼 壹兩 微黃去穢

玄參 壹兩 烏蛇 壹兩 酒浸去骨炙令黃 斑猫 拾四枚 去頭足翅以

糯米并炒 令米黃

右件藥搗羅為末鍊蜜和丸如梧桐子大

每日空心及晚食前以粥飲下十九

治瘰癧結成顆塊疼腫穿潰膿水不絕不計

遠近皆差薄荷丸方

薄荷 束如椀 大陰草 皂莢 十挺 長一尺二寸 不中者去 黑皮塗酥炙令焦

黃

右件藥搗碎以酒壹斗浸經三宿取出曝

乾更浸三宿如此取酒盡為度焙乾搗羅

為散以燒飯和丸如梧桐子大每於食前

以黃耆湯下二十九小兒減丸服之

治癩癧生頭膿水不乾疼痛宜貼蜂房膏方

露蜂房壹兩 蛇蛻皮半兩 玄參半兩 黃耆三分 杏仁

壹兩湯浸去亂髮如鷄子大 黃丹五兩

右件藥細剉用麻油壹斤先煎髮及杏仁

候髮消盡即以絲濾去滓却入鑊中將前

藥煎令焦黃又濾去滓下黃丹以柳木篦

不住手攪候熬成膏即傾於堯合中盛旋

取塗於帛上貼之

治癩癧膿小不絕宜貼鼠灰散方

蛇腹中鼠

壹枚燒灰 蝦蟆壹枚燒灰

右件藥搗羅爲末用生油調攤於帛上貼

之日壹度換之

治癩癧穿破作膿宜用此方右取五月六月

時麥麩堆上生者菌子七枚熟擣先以米

泔淨洗瘡拭乾貼之日二度換之神效

治風毒癩癧諸方

夫風毒癩癧者由風邪之氣在於經脉經脉

否澁結聚所成也此皆由藏腑風有風熱不

得宣通邪氣客於肌肉搏於氣血故留結為癩瘰也

治風毒癩瘰筋脉拘急煩熱疼痛犀角散方

犀角屑三分防風壹兩去蘆頭去羚羊角屑二分薏苡

人三分枳殼壹兩麩炒黃去瓢黃芩三分酸棗人三分

桂心三分羌活三分川升麻壹兩甘草三分炙

椰壹兩右件藥搗麩羅為散每服四錢以水壹中

蓋煎至六分去滓每於食後温服

治風毒癩瘰腫結內消昆布散方

昆布壹兩洗去鹹味海藻壹兩洗去鹹味枳殼壹兩麩炒

牛蒡子半兩連翹半兩防風半兩去蘆頭去玄參半兩

何首烏壹兩牽牛子半兩甘草半兩炙赤判川大

黃半兩判皂莢子人五拾枚微牡荆子兩

右件藥搗細羅為散每於食後煎葱湯調下二錢

治風毒氣盛頂邊生癩瘰結硬或赤腫疼痛

皂莢丸方

皂莢 四兩去黑皮塗酥炙黃 乾嗽 半兩微炒 乾薄荷 四兩

白殭蠶 半兩微炒 天麻 半兩 牛黃 半兩細研 夜明砂 壹兩

微炒 鴉鴿糞 二兩微炒 蓬莪茂 壹兩 麝香 壹分細研

右件藥搗羅為末入麝香牛黃同研令勻

鍊蜜和搗三五百杵丸如梧桐子大每日

空心及夜臨卧時以薄荷湯下三十丸

治風毒氣留滯藏胸攻注肌肉於項腋生癩

瘰癧疼痛烏蛇丸方

烏蛇 二兩酒浸去皮骨炙微黃 犀角屑 三分 連翹 三分 昆布

三分洗 斑猫 壹分以糯米拌炒 米川大黃 壹兩

去鹹味 碎微炒 黃耆 壹兩 漏蘆 三分 甘草 半兩炙

牛蒡子 壹兩微炒 枳殼 壹兩 麩炒 木通 壹兩

右件藥搗羅為末鍊蜜和搗三二百杵丸

如梧桐子大每於食後以牛蒡子湯下二

十九

治風毒癩瘰項腋下生如梅李棗核腫痛令

內消皂莢丸方

皂莢 二十挺十挺去黑皮塗酥炙令焦黃

去子十挺生搗爛用好酒五升按絞

取汁熬何首烏半斤乾薄荷半斤蝸牛子四兩  
或膏微礪砂壹兩通附子壹兩炮裂天麻壹兩精  
黃礪砂白者附子壹兩去皮臍天麻兩精  
羊肉四兩去脂膜乾天南星壹兩半夏壹兩  
七編去滑

右件藥擣羅為末入皂莢膏和擣五七百  
杵丸如梧桐子大每日空心及晚食前浸  
牛膝酒下壹十九漸加至二十九

治風毒瘰癧生於項間腫硬磊磊相連疼痛  
宜服斑猫丸方

斑猫二拾枚去頭足翅糯米拌炒令米色黃糯米壹分炒甘  
草半兩炙黑豆黃三分麝香半分芫青二拾  
枚去頭足翅糯米川大黃半兩對青蛇二  
拌炒令米色黃醋浸一宿去皮骨炙微黃

右件藥擣羅為末研入麝香令勻鍊蜜和  
丸如棗豆大每日空心以粥飲下三丸如  
未有效加至五丸當小便出如爛筋如小  
便澁以滑石末二錢以水五合煎至三合  
溫服即利

治風毒氣滯頸腋結成癩瘰腫核不消何首

烏丸方

何首烏四兩九蒸九曝擣羅為末乾薄荷四兩搗羅為末羊肉

半斤去皂莢三拾挺不蚰者拾挺去黑皮

膜脂搗候大燄將盡以梳合蓋候冷取出擣羅為末拾挺搗碎用新汲水五升接取汁

生翁濾過

右件藥先將皂莢水煮羊肉令爛後取肉

細研入諸藥末和擣壹千杵丸如梧桐子

大每服空心以溫酒下二十九薄荷湯下

亦得

治風毒癩瘰結核腫硬痛疼令內消牛蒡子

丸方

牛蒡子二兩微炒何首烏二兩○外科集驗方各壹兩乾薄

荷二兩○御藥院方雄黃壹兩細研○集驗方各二兩

麝香壹分細研牛黃壹分細研○集驗方各二錢皂莢七挺搗碎

右件藥擣羅為末入麝香牛黃研令勻以

水三升院方集驗方易浸皂莢一宿接取

汁慢火熬成膏入前藥末和擣三二百杵

丸如梧桐子大每於食後以温酒下二十  
并院方集驗方易簡方煎黃耆湯下

治風毒癩瘡結硬腫痛宜服此方

玄參二兩夜明沙二兩皂莢五挺去黑皮塗酥炙微黃去子

右件藥擣羅爲末鍊蜜和丸如梧桐子大

每於食後以薄荷湯下二十九

又方烏蛇二兩酒浸去皮牛蒡子二兩何首

烏二兩

右件藥擣羅爲末鍊蜜和丸如梧桐子大

每於食後以温水下二十九

治風毒癩瘡令內消宜服此方

何首烏十兩九蒸九皂莢十挺去黑

色去子擣羅爲末五挺水浸壹宿揉絞取汁二升

右件藥用精羊肉壹斤細切以前皂莢水

同熬如膏入何首烏末及皂莢末和丸如

梧桐子大每日空心以粥飲下三十丸

治癩瘡風毒結腫不散丹參膏方

丹參二兩蒴藿二兩秦艽壹兩獨活壹兩川烏頭

壹兩白及一兩牛膝壹兩甘菊花壹兩白朮壹兩漢

防己壹兩躑躅花半兩莽草半兩川椒半兩及閉口者

右件藥細剉以醎醋一升浸壹宿來旦以

猪脂二斤慢火煎令醋竭勿令過焦篩濾

去滓收於不津器中日三度於患處塗之

治風熱腫毒項生瘰癧宜貼榆白皮散方

榆白皮剉槐白皮剉赤小豆 大麥麩

桑根白皮剉川朴消 皂莢去黑皮塗酥炙微黃燻去

子已上各半兩

右件藥擣細羅為散用雞子清和如膏以

舊布上攤可腫大小貼之乾即易之

治風毒瘰癧赤腫痛硬宜用此方

地菘一斤

右擣如泥傅瘰癧上乾即易之以差為度

瑣碎錄衛生易簡方同

又方鼠粘子壹斤荆芥穗四兩

右件藥擣瓮羅為散每服三錢以水壹中

盞煎至五分去滓入竹瀝半合攪勻服之



癩瘡

癩瘡

日三服

治癩瘡風毒結熱腫硬疼痛未破方

槲白皮切三合

右每用壹合以水壹大盞煎至五分去滓  
溫服良久當吐惡物如人行十里未吐入

服

又方右於三月內取大槲葉壹秤剉令細再  
大釜籠內以水五斗煎至壹斗濾去滓却  
入小鍋中熬成膏每服空心以溫酒調半

兩服之良久當吐未吐再服吐出癩子根  
本為度

治風毒所攻繞頂生癩瘡如連珠宜服浸酒  
方

海藻五兩洗去鹹味焙乾 烏蛇五兩酒浸去皮

右件藥擣麤羅為散以酒七升浸五七日  
每服取酒半盞飲之日再服

治風毒癩瘡皂莢針散方

皂莢針一斗不升 牛蒡子半升

右件藥取皂莢針於盆中燒候火盛時撒  
 牛蒡子於火中候煙欲盡以盆合之冷定  
 擣羅爲末每於空心以井華水調下三錢  
 良久利下惡物如膠飭永斷根本利了補  
 治三五日只可喫軟粥飴

又方牛蒡子三升  
微炒

右件藥擣羅爲散用絹袋子盛以無灰酒  
 五升漬二七日每日空心溫服壹盞

治風毒瘰子黃花蛇散方

黃花蛇壹條酒浸一宿去  
皮骨炙令黃色

右件藥擣細羅爲散每服空心以粥飲調  
 下壹錢服盡卽歇十日看未消滅卽更作  
 服之如已損卽止

醫方類聚卷之一百七十九